

ჯანმრთელობის, სიცოცხლის და უბედური შემთხვევისგან დაზღვევის პირობები

1. ტერმინთა განსაზღვრებანი:

ქვემოთ მოცემული ყოველი განსაზღვრება ინარჩუნებს აღნიშნულ მნიშვნელობას ამ დოკუმენტის ნებისმიერ ნაწილში.

- 1.1. **მზღვეველი** – პირი, რომელიც სადაზღვევო საქმიანობას ეწევა საქართველოს კანონმდებლობის შესაბამისად;
- 1.2. **დამზღვევი** – პირი, რომელიც დებს ამ ხელშეკრულებას მზღვეველთან და იხდის შესაბამის პრემიას;
- 1.3. **მოსარგებლე** – დაზღვეული ან ნებისმიერი ფიზიკური პირი, რომელიც საქართველოში მოქმედი კანონმდებლობის და ხელშეკრულების შესაბამისად უფლებამოსილია მიიღოს სადაზღვევო ანაზღაურება;
- 1.4. **დაზღვეული (სადაზღვევო პოლისის/ბარათის მფლობელი)** – ხელშეკრულების დანართში და სადაზღვევო პოლისში მითითებული ფიზიკური პირ(ები), რომელთა ჯანმრთელობის დაზიანების რისკი წარმოადგენს დაზღვევის საგანს და რომელიც წინამდებარე ხელშეკრულების საფუძველზე უფლებამოსილია მიიღოს სადაზღვევო ანაზღაურება.
- 1.5. **ოჯახის წევრი** – ოჯახის წევრად განიხილება მხოლოდ დამზღვევის თანამშრომლის მეუღლე და შვილები ასაკის შეუზღუდავად, რომელთაგანაც ნათესაური კავშირი დასტურდება საქართველოს კანონმდებლობით დადგენილი შესაბამისი დოკუმენტით (ქორწინების მოწმობა, დაბადების მოწმობა და სხვა);
- 1.6. **სამედიცინო დაწესებულება** – საქართველოს ტერიტორიაზე მოქმედი, ნებისმიერი ლიცენზირებული სამედიცინო დაწესებულება;
- 1.7. **სადაზღვევო შემთხვევა** – დანართის პირობებით განსაზღვრული შემთხვევები, რომელთა დადგომისას გაიცემა შესაბამისი სადაზღვევო ანაზღაურება;
- 1.8. **დაზღვევის პერიოდი** – პერიოდი, რომლის განმავლობაშიც დაზღვევა რჩება ძალაში;
- 1.9. **ლიმიტი** – მზღვეველის პასუხისმგებლობის მაქსიმალური ლიმიტი სადაზღვევო პერიოდის განმავლობაში;
- 1.10. **წინამდებარე წესები** – დაზღვევის პირობები;
- 1.11. **ტერიტორიული ლიმიტი** – ტერიტორია, რომელზეც ვრცელდება დაზღვევა. თუ კი დაზღვეულზე გაცემული არ არის მოგზაურთა სამედიცინო დაზღვევის პოლისი, წინამდებარე დაზღვევის ტერიტორიად განისაზღვრება მხოლოდ საქართველოს ტერიტორია (გარდა კონფლიქტური რეგიონებისა);
- 1.12. **“გენერალური სადაზღვევო პოლისი”** – მზღვეველის მიერ გაცემული ხელმოწერილი საბუთი – მოწმობა დაზღვევის ხელშეკრულების შესახებ;
- 1.13. **დაზღვევის საიდენტიფიკაციო მოწმობა/ბარათი** – ხელშეკრულებისა და დანართების შესაბამისად, მზღვეველის მიერ დაზღვეულებზე გაცემული ბარათი.
- 1.14. **თანაგადახდა** – სამედიცინო მომსახურების ღირებულების ის ნაწილი, რომელიც სამედიცინო დაზღვევის პირობების თანახმად არ ექვემდებარება მზღვეველის მხრიდან ანაზღაურებას;
- 1.15. **„სადაზღვევო ანაზღაურება“** – თანხა ან მომსახურება, რომელიც მზღვეველისაგან ეკუთვნის დამზღვევს (დაზღვეულს, მოსარგებლეს) სადაზღვევო შემთხვევის დადგომისას;
- 1.16. **„პრემია“** – თანხა (დაზღვევის ღირებულება), რომელიც უნდა გადაუხადოს დამზღვევმა მზღვეველს ამ ხელშეკრულებით გათვალისწინებული დაზღვევის საფასურად. პრემია იანგარიშება დაზღვევის კონკრეტული ობიექტის, რისკებისა და სხვა შესაბამისი ფაქტორების გათვალისწინებით. პრემიის ოდენობა განისაზღვრება შესაბამისი გენერალური პოლისით და წინამდებარე ხელშეკრულებით;
- 1.17. **გარდაცვალება (ლეტალური შედეგი)** – ადამიანის ტვინის ფუნქციონირების შეუქცევადი შეწყვეტა;
- 1.18. **უბედური შემთხვევა** – უეცარი, მოულოდნელი, წინასწარ გაუთვალისწინებადი მოვლენა, რომელიც მოხდა დაზღვეულის ნებისგან დამოუკიდებლად, გარეშე ძალის ზემოქმედების შედეგად და გამოიწვია დაზღვეულის სხეულის დაზიანება ან გარდაცვალება.
- 1.19. **გამონაკლისი** – ის შემთხვევა, რომელიც დაზღვევის პირობების შესაბამისად არ ითვლება სადაზღვევო შემთხვევად და არ ექვემდებარება ანაზღაურებას;
- 1.20. **სამოგზაურო დაზღვევა (ვრცელდება თანამშრომლებზე)** – საზღვარგარეთ ყოფნის პერიოდში სამედიცინო მომსახურების ხარჯების ანაზღაურება.

2. „დამზღვევის“ დასტური

- 2.1. „დამზღვევი“ ადასტურებს, რომ ხელშეკრულების გაფორმებამდე შეათანხმებს წინამდებარე ხელშეკრულებით გათვალისწინებული დაზღვევის პირობებს საკუთარ თანამშრომლებთან და ამავე დროს ადასტურებს, რომ წინამდებარე ხელშეკრულებით გათვალისწინებულ სადაზღვევო პრემიას იხდის „დამზღვევი“.

3. დაზღვევის პერიოდი

- 3.1. ყველა სახის დაზღვევის მოქმედების პერიოდი განისაზღვრება ხელშეკრულების ძალაში შესვლიდან (სავარაუდოდ 2013 წლის 01 მარტი) 2013 წლის 31 დეკემბრის ჩათვლით;
- 3.2. დაზღვევა ძალაში შედის ხელშეკრულების ხელმოწერის დღის 24 საათიდან;

4. სადაზღვევო პრემია და მისი გადახდის წესი და ვალები

- 4.1. ხელშეკრულების საფუძველზე დამზღვევის მიერ დაზღვეულთა სასარგებლოდ, გადასახდელი სადაზღვევო პრემიის ოდენობა განისაზღვრება ამავე ხელშეკრულების და ტექნიკური დავალების შესაბამისად;
- 4.2. „დამზღვევის“ მიერ სადაზღვევო პრემიის გადახდის წესის დარღვევის შემთხვევაში „მზღვეველი“ უფლებამოსილია შეაჩეროს სადაზღვევო მომსახურება „დამზღვევის“ მიერ ფინანსური ვალდებულების სრულად შესრულებამდე. ამასთან, დავალიანების დაფარვის შემდეგ, თუკი დავალიანების წარმოშობის დღისა და დაფარვის დღის შორის პერიოდი აღემატება 30 (ოცდაათი) კალენდარულ დღეს, „მზღვეველი“ დავალიანების პერიოდში დამდგარ შემთხვევებს აღარ განიხილავს სადაზღვევო შემთხვევებად და შესაბამისად უფლებამოსილია არ გასცეს სადაზღვევო ანაზღაურება;
- 4.3. ხელშეკრულების მოქმედების შეჩერება არ ათავისუფლებს დამზღვევს სადაზღვევო პრემიის გადახდის ვალდებულებისაგან.

5. მხარეთა უფლებები და ვალდებულებები

5.1. „დამზღვევი“/„დაზღვეული“ უფლებამოსილია:

- 5.1.1. მოთხოვოს მზღვეველს, სადაზღვევო მომსახურების გაწევა ხელშეკრულებისა და დაზღვევის პირობების შესაბამისად;
- 5.1.2. მიიღოს დაზღვევის დამადასტურებელი დოკუმენტი - სადაზღვევო პოლისი/ბარათი;
- 5.1.3. სადაზღვევო შემთხვევის დადგომისას მიიღოს სადაზღვევო ანაზღაურება ხელშეკრულებითა და დაზღვევის პირობებით დადგენილ ვადებში;
- 5.1.4. მოთხოვოს მზღვეველს ნაკისრი ვალდებულებების ჯეროვანი შესრულება.
- 5.1.5. სამოგზაურო დაზღვევის დროს, დაზღვეულის/დამზღვევის მიერ ხარჯების დამოუკიდებლად დაფარვის შემთხვევაში, დაზღვეულის საქართველოში ჩამოსვლის შემდეგ, წარუდგინოს მზღვეველს შემდეგი საბუთები: სამედიცინო დოკუმენტის ორიგინალები, სადაც მითითებული იქნება დაზღვეულის სახელი, გვარი, დიაგნოზი, გაწეული სამედიცინო დახმარება, მეურნალობა; უბედური შემთხვევისას – ოფიციალური ცნობა უბედური შემთხვევის შესახებ; ექიმების და სამედიცინო დაწესებულების ანგარიშის ორიგინალი ან დუბლიკატები, სამედიცინო პრეპარატების შეძენის დამადასტურებელი ქვითრები რეცეპტებთან ერთად; საკუთარი პასპორტი, სადაც აღნიშნული იქნება საქართველოს საზღვრის გადაკვეთა/გადმოკვეთის თარიღები; ცხედრის რეპატრიაციის შემთხვევაში სადაზღვევოს უნდა წარუდგინოს ცნობა გარდაცვალების შესახებ, ექიმის დასკვნა სიკვდილის მიზეზის შესახებ, ანგარიშის ორიგინალები ან დუბლიკატები. პრეტენზია ანაზღაურებაზე მზღვეველს უნდა წარუდგინოს საქართველოში ჩამოსვლიდან ან რეპატრიაციიდან არაუგვიანეს 30 დღისა.

5.2. „დამზღვევი“/„დაზღვეული“ ვალდებულია:

- 5.2.1. სრულად და სწორად მიაწოდოს „მზღვეველს“ (მათ შორის ელ. ფორმით) ამ უკანასკნელის მიერ მოთხოვნილი ინფორმაცია ხელშეკრულების დადებისათვის არსებითი მნიშვნელობის მქონე გარემოების შესახებ (ინფორმაცია დასაზღვევი თანამშრომლების შესახებ და სხვა);
- 5.2.2. წინამდებარე პირობებით განსაზღვრულ ვადაში აცნობოს „მზღვეველს“ დაზღვევის პირობებით დაფარული შემთხვევის დადგომის შესახებ და ხელი შეუწეოს „მზღვეველის“ უფლებამოსილ პირს აღნიშნულ შემთხვევასთან დაკავშირებული აუცილებელი ინფორმაციის (მათ შორის ზიანის დადგომასთან დაკავშირებული პირების იდენტიფიკაციაში) და დოკუმენტაციის მოძიებაში, წინააღმდეგ შემთხვევაში „მზღვეველი“ უფლებამოსილია უარი თქვას სადაზღვევო ანაზღაურების გაცემაზე;
- 5.2.3. დაზღვევის პირობებით დაფარული შემთხვევის დადგომისას, თუკი დამზღვევი/დაზღვეული თავად ანაზღაურებს ამ შემთხვევის შედეგად გამოწვეულ ხარჯებს ან მზღვეველის მიერ შესაბამის სამედიცინო დაწესებულებაში ხარჯების ანაზღაურება დაკავშირებულია დაზღვეულის მიერ ინფორმაციის/დოკუმენტაციის წარდგენასთან, წინამდებარე პირობების 5.3.1. პუნქტით განსაზღვრულ ვადაში, წარუდგინოს მზღვეველს ინფორმაცია და დოკუმენტაცია, რომელიც ადასტურებს „დაზღვეულის“ ჯანმრთელობის მდგომარეობას, ჩასატარებელ ან ჩატარებულ მეურნალობას და სამედიცინო ხარჯებს, რაც აუცილებელია აღნიშნული შემთხვევის გარემოებების ან „მზღვეველის“ პასუხისმგებლობის მოცულობის დასადგენად;
- 5.2.4. გადაუხადოს „მზღვეველს“ სადაზღვევო პრემია ხელშეკრულებით განსაზღვრული წესითა და ოდენობით;
- 5.2.5. დაიცვას ოჯახის ექიმისა და სამედიცინო მომსახურების მიმწოდებელი პირის დანიშნულება და რეკომენდაციები;

- 5.2.6. განუხრელად დაიცვას ხელშეკრულებითა და დაზღვევის პირობებით დადგენილი ვალდებულებები;
- 5.2.7. სადაზღვევო მომსახურებით სარგებლობის უფლებამოსილების დამადასტურებელი დოკუმენტი (სადაზღვევო პოლისი/ბარათი) არ გადასცეს სხვა პირს სადაზღვევო მომსახურების მისაღებად;
- 5.2.8. დაზღვეულთა სიაში შესატანი ცვლილილებების შესახებ აცნობოს “მზღვეველს” ხელშეკრულებით დადგენილი წესითა და ვადებში.
- 5.2.9. უზრუნველყოს მიღებული ინდივიდუალური სადაზღვევო ბარათების დაზღვეულთათვის ჩაბარება;
- 5.2.10. ხელი არ შეუშალოს “მზღვეველის” მიერ სადაზღვევო შემთხვევის დადგომასთან და მის შედეგებთან დაკავშირებული მონაცემების მოკვლევა-მოძიებას;
- 5.2.11. ჯეროვნად შეასრულოს ნაკისრი ვალდებულებები.

5.3. „მზღვეველი“ უფლებამოსილია:

- 5.3.1. დაზღვევის პირობებით დაფარული შემთხვევის დადგომისას მოთხოვოს „დამზღვევეს“/„დაზღვეულს“ ყოველგვარი ინფორმაცია და დოკუმენტაცია, რომელიც ადასტურებს „დაზღვეულის“ ჯანმრთელობის მდგომარეობას, ჩასატარებელ ან ჩატარებულ მეკურნალობას და სამედიცინო ხარჯებს, რაც აუცილებელია აღნიშნული შემთხვევის გარემოებების ან „მზღვეველის“ პასუხისმგებლობის მოცულობის დასადგენად. ამასთან, მზღვეველი უფლებამოსილია, უარი თქვას სადაზღვევო ანაზღაურების გაცემაზე თუკი დამზღვევის/დაზღვეულის მიერ წინამდებარე პუნქტით განსაზღვრული დოკუმენტაციის წარმოდგენის ვადა აღემატება 30 (ოცდაათი) კალენდარულ დღეს, გარდა იმ შემთხვევებისა, როდესაც შესაბამისი დოკუმენტის წარმოდგენლობა განპირობებულია ობიექტური გარემოებებით;
- 5.3.2. უარი თქვას დაზღვევის პირობებით დაფარული შემთხვევის შედეგად წარმოშობილი ზარალის ანაზღაურებაზე თუკი დამზღვევი / დაზღვეული არღვევს ხელშეკრულებითა და დაზღვევის პირობებით ნაკისრ ვალდებულებებს;
- 5.3.3. მოსთხოვოს დამზღვევეს ხელშეკრულებით ნაკისრი ვალდებულებების ჯეროვანი შესრულება;
- 5.3.4. მოსთხოვოს დამზღვევეს, გადაიხადოს სადაზღვევო შესატანი (პრემია) ხელშეკრულებით დადგენილი წესითა და ვადებში;
- 5.3.5. მოსთხოვოს დამზღვევეს დაზღვევის ხელშეკრულების დადებისათვის საჭირო ინფორმაციის წარდგენა მზღვეველსა და დამზღვევეს შორის შეთანხმებული ფორმით;
- 5.3.6. არ აანაზღაუროს ის ხარჯი, რომელიც არ არის გათვალისწინებული დაზღვევის პირობებით;
- 5.3.7. არ გასცეს სადაზღვევო ანაზღაურება, თუკი დამზღვევი არღვევს წინამდებარე ხელშეკრულებით განსაზღვრული სადაზღვევო პრემიის გადახდის წესსა და პირობებს;
- 5.3.8. არ აანაზღაუროს დაზღვეულის, დაზღვეულის ოჯახის იმ წევრების სამედიცინო მომსახურების ხარჯები, რომლებზეც არ არის გაცემული შესაბამისი სადაზღვევო პოლისი;
- 5.3.9. არ აანაზღაუროს სამედიცინო ხარჯები ის ნაწილი, რომლებიც იფარება სახელმწიფო პროგრამით ან/და სხვა მოქმედი დაზღვევით;
- 5.3.10. არ აანაზღაუროს საქართველოს ტერიტორიაზე არსებული ლიცენზირებული სამედიცინო დაწესებულების მიერ საზღვარგარეთ ჩატარებული გამოკვლევებისა და კონსულტაციების ხარჯები;
- 5.3.11. არ აანაზღაუროს არალიცენზირებულ სამედიცინო დაწესებულებებსა და სამედიცინო საქმიანობის უფლების არმქონე კერძო პირებთან კონსულტაციისა და მეკურნალობის, ასევე თვითმკურნალობის ხარჯები;
- 5.3.12. არ აანაზღაუროს საზღვარგარეთ ჩატარებული გამოკვლევებისა და კონსულტაციების ხარჯები;
- 5.3.13. არ აანაზღაუროს იმ სამკურნალოწამლო საშუალებების ღირებულება, რომლებიც არ არის რეგისტრირებული საქართველოში საქართველოს შრომის, ჯანმრთელობის და სოციალური დაცვის სამინისტროს მიერ;
- 5.3.14. არ აანაზღაუროს სისხლის სამართლის კოდექსით გათვალისწინებული მართლსაწინააღმდეგო ქმედებისას მიღებული დაზიანებების მეკურნალობის ხარჯები, გარდა იმ შემთხვევებისა, როდესაც დაზღვეულის ქმედება მიმართული იყო თავისი ან სხვისი სიცოცხლის გადასარჩენად;
- 5.3.15. არ აანაზღაუროს იმ გამოკვლევისა და მეკურნალობის ხარჯები, რომლებიც საჭირო გახდა: დაზღვეულის თვითმკვლელობის მცდელობის, თვითდაზიანების შედეგად, დაზღვეულის დაკავების ან/და პატიმრობაში ყოფნის პერიოდში, სამსახურებრივი ურთიერთობის შეჩერების შემდეგ;
- 5.3.16. არ აანაზღაუროს სამოქალაქო ომში, საომარ მოქმედებებში, ანტისახელმწიფოებრივ გამოსვლებში, ტერორისტულ აქტებში მონაწილეობის შედეგად მიღებულ დაზიანებათა დიაგნოსტიკის / მეკურნალობის ხარჯები;
- 5.3.17. არ აანაზღაუროს სამედიცინო მომსახურების ხარჯი, თუ დაზღვეული ან დამზღვევი თავისი მოქმედებით ხელს შეუშლის იმ იურიდიული ან ფიზიკური პირის დადგენასა და მათ მიმართ ზარალის ანაზღაურების მოთხოვნით მზღვეველის მიერ სასამართლოში სარჩელის აღძვრას, რომელთა ქმედებით დადგა ზიანი ან ხელს შეუშლის სადაზღვევო კომპანიას ზიანის გამომწვევი პირების დადგენასა და მიზეზების გარკვევაში.

5.4. “მზღვეველი” ვალდებულია:

- 5.4.1. უზრუნველყოს “დაზღვეულთა” ჯანმრთელობის დაზღვევა ხელშეკრულების და დაზღვევის წინამდებარე პირობების შესაბამისად;
- 5.4.2. ხელშეკრულების ხელმოწერის შემდეგ გადასცეს “დამზღვევეს” დაზღვევის დამადასტურებელი დოკუმენტი დაზღვევის პოლისი და ჯანმრთელობის დაზღვევის შესაბამისი ბარათები;

- 5.4.3. გასცეს “დაზღვეულის” შესახებ სამედიცინო ან ჯანმრთელობის მდგომარეობის შესახებ ინფორმაცია მხოლოდ ამ უკანასკნელის წერილობითი თანხმობის შემდეგ;
- 5.4.4. დაზღვევის პირობებით დაფარული შემთხვევის დადგომისას “დამზღვევის /დაზღვეულის” მიერ ძალაში მყოფი დაზღვევის პოლისისა და წინამდებარე პირობებით განსაზღვრული დოკუმენტაციის წარმოდგენის შემდეგ გასცეს სადაზღვევო ანაზღაურებადაზღვევის პირობების შესაბამისად;
- 5.4.5. ჯეროვნად შეასრულოს ხელშეკრულებითა და დაზღვევის წინამდებარე პირობებით გათვალისწინებული ვალდებულებები.
- 5.4.6. სამოგზაურო დაზღვევის დროს, დაზღვეულის/დამზღვევის მიერ ხარჯების დამოუკიდებლად დაფარვის შემთხვევაში, დამზღვევის/დაზღვეულის მიერ 5.1. პუნქტში ჩამოთვლილი შესაბამისი საბუთების წარდგენის შემდეგ, გასცეს ანაზღაურება ლარში, განაცხადის შევსების დღისათვის არსებული სავალუტო კურსის მიხედვით.

6. „დაზღვეულთა“ სიაში ცვლილებების შეტანის წესი

- 6.1. „დამზღვევი“ ვალდებულია დაზღვეულთა სიაში შესატანი ცვლილებების შესახებ აცნობოს მზღვეველს მომდევნო საანგარიშო თვის დაწყებამდე სამი სამუშაო დღით ადრე (მათ შორის ელ. ფორმით);
- 6.2. პირი „დაზღვეულად“ ჩაითვლება, „დამზღვევის“ მიერ „მზღვეველისთვის“ შესაბამისი ცვლილების წერილობითი ფორმით მიწოდების საფუძველზე, მომდევნო საანგარიშო თვიდან;
- 6.3. პირის მიმართ დაზღვევის მოქმედება შეჩერდება „დამზღვევის“ მიერ „მზღვეველისთვის“ შესაბამისი მოთხოვნის წერილობითი ფორმით მიწოდებისთანავე, ხოლო შეწყდება ხელშეკრულების დასრულებისთანავე;
- 6.4. დაზღვეულთა სიაში ოჯახის წევრების (ასეთის არსებობის შემთხვევაში) დამატება შესაძლებელია მხოლოდ ხელშეკრულებით განსაზღვრული სადაზღვევო პერიოდის პირველი ერთი თვის განმავლობაში, გარდა შემდეგი შემთხვევებისა: ქორწინება და/ან შვილის შექმნა;

7. მხარეთა პასუხისმგებლობა

ხელშეკრულებით განსაზღვრული ვალდებულებების შეუსრულებლობის ან არაჯეროვნად შესრულებისთვის მხარეები პასუხს აგებენ საქართველოს კანონმდებლობით გათვალისწინებული პირობებითა და წესით;

8. კონფიდენციალურობა

ხელშეკრულების თითოეული მხარე იღებს ვალდებულებას, დაიცვას და არ გაავრცელოს ამ ხელშეკრულებასთან დაკავშირებული ინფორმაცია მეორე მხარის წერილობითი თანხმობის გარეშე, გარდა საქართველოს მოქმედი კანონმდებლობით გათვალისწინებული შემთხვევებისა.

9. დაუძლეველი ძალა

- 9.1. მხარეები თავისუფლდებიან ხელშეკრულებით გათვალისწინებული დებულებების შეუსრულებლობით ან არაჯეროვანი შესრულებით გამოწვეული პასუხისმგებლობისგან იმ შემთხვევაში, თუ დამკიცდება, რომ ვალდებულების შეუსრულებლობა ან არაჯეროვანი შესრულება განაპირობა დაუძლეველმა ძალამ. ამ ხელშეკრულების მიზნებისათვის დაუძლეველი ძალა ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „მზღვეველის“ და/ან „დამზღვევის“ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით, გაფიცვით, ლოკაუტით, ტერორისტული აქტით, დივერსიით, საბოტაჟით, საომარი/საბრძოლო მოქმედებებით, სამოქალაქო მღელვარებით, რევოლუციით, ნაციონალიზაციით, რეკვიზიციით და სხვა მსგავსი მოვლენებით, რომლებიც მხარეების კონტროლს არ ექვემდებარება და რომელთა თავიდან აცილება შეუძლებელია. აღნიშნულის შესახებ დაუყოვნებლივ უნდა ეცნობოს მეორე მხარეს, როგორც ზეპირად, ისე წერილობით.
- 9.2. მხარეები ვალდებული არიან დაუძლეველი ძალის აღმოფხვრისთანავე შეასრულონ ხელშეკრულებით გათვალისწინებული მოვალეობები.

10. რეგრესის უფლება

- 10.1. სადაზღვევო ანაზღაურების გაცემის შემდეგ მზღვეველზე გადადის რეგრესული ანაზღაურების მოთხოვნის უფლება, რომელიც დამზღვევს (დაზღვეულს, მოსარგებლეს) გააჩნია ზიანზე პასუხისმგებელი პირის მიმართ.
- 10.2. დამზღვევი (დაზღვეული) ვალდებულია ხელი შეუწყოს და გადასცეს მზღვეველს ყველა მასთან არსებული დოკუმენტი და ხელი არ შეუშალოს მზღვეველს ამ მუხლით განსაზღვრული უფლების რეალიზებაში.
- 10.3. დამზღვევის (დაზღვეული) მიერ ამ მუხლის შეუსრულებლობის შემთხვევაში მზღვეველს უფლება აქვს უარი თქვას სადაზღვევო ანაზღაურების გაცემაზე ან მოითხოვოს გაცემული თანხის უკან დაბრუნება.

ჯანმრთელობის დაზღვევა ითვალისწინებს შემდეგი სახის მომსახურებას:

“ასისტანსის” მომსახურება

- 24 საათიანი სატელეფონო საინფორმაციო მომსახურება;
- სადაზღვევო შემთხვევის შესახებ შეტყობინების მიღება;
- გადაუდებელი და გეგმიური სამედიცინო დახმარების ორგანიზება;
- ოჯახის ექიმთან ვიზიტის დანიშვნა;
- სასწრაფო დახმარების ბრიგადის გამოძახება.

ოჯახის ექიმის მომსახურება

- სამედიცინო კონსულტაცია და საჭიროების შემთხვევაში შესაბამისი დანიშნულების მიცემა;
- თერაპიული მომსახურების გაწევა;
- სამედიცინო ჩვენების შემთხვევაში შემდგომი გამოკვლევებისა და მკურნალობის ორგანიზება;
- განსაკუთრებული შემთხვევისას ოჯახის ექიმის თანხლება სამედიცინო გამოკვლევისა და მკურნალობის ყველა ეტაპზე;
- თითოეულ დაზღვეულზე ავადმყოფობის ისტორიის შექმნა და საჭიროების შემთხვევაში დაზღვეულის ჯანმრთელობის მდგომარეობის მონიტორინგი;
- დიაგნოზის დაზუსტების ან/და მკურნალობის შემდგომი ტაქტიკის განსაზღვრისთვის კონსილიუმის მოწვევა;
- დაზღვეულთა ინფორმირება პროფილაქტიკური ღონისძიებებისა და ცხოვრების ჯანსაღი წესის შესახებ;
- ოჯახის ექიმის სამედიცინო ცენტრები განთავსებულია:

----- (ივსება პრეტენდენტის მიერ)

სასწრაფო დახმარების ბრიგადის მომსახურება

- შემთხვევის ადგილზე გადაუდებელი სამედიცინო დახმარების გაწევა;
- საჭიროების შემთხვევაში ტრანსპორტირება სამედიცინო დაწესებულებაში;
- საჭიროების შემთხვევაში რეანიმობილის მომსახურება საქართველოს ნებისმიერ რეგიონში.

ამბულატორიული მომსახურება

- სხვადასხვა სპეციალისტების კონსულტაცია, დიაგნოსტიკა;
- ექიმის დანიშნულებით კლინიკო-ლაბორატორიული და ინსტრუმენტული გამოკვლევების, სამედიცინო მანიპულაციების ჩატარება (მათ შორის ქრონიკული და ინფექციური დაავადების დროსაც).
- გადაუდებელი ამბულატორიული მომსახურება

გადაუდებელი ამბულატორიული მომსახურება გულისხმობს სამედიცინო კონსულტაციებს, ასევე სასწრაფო და გადუდებელ ქირურგიულ ჩარევებს და სხვა მანიპულაციებს, რომლებიც არ საჭიროებს დაზღვეულის 24 საათზე მეტი ხნით სტაციონარში განთავსებას და საჭირო გახდა შემდეგი შემთხვევების დროს:

- მსუბუქი ტრავმები და მოტეხილობები;
- ღრძობა, დაბეჭდილობა;
- მსუბუქი ხარისხის დამწვრობა;
- ჭრილობები;
- ნაკბენები;
- სხვა მსგავსი.

მედიკამენტები

- ოჯახის ექიმის და/ან სხვადასხვა პროფილის სპეციალისტების მიერ სამედიცინო ჩვენებით დანიშნული მედიკამენტები (მათ შორის ქრონიკული დაავადების დროს დანიშნული მედიკამენტები);
- მედიკამენტების შეძენა შესაძლებელია როგორც პროვაიდერ სააფთიაქო ქსელში, ასევე ნებისმიერ სხვა ლიცენზირებულ სააფთიაქო დაწესებულებებში.

სტაციონარული მომსახურება

- სამედიცინო ჩვენებით დაზღვეულის სტაციონარში 24 საათზე მეტი ხნით განთავსების შემთხვევაში ჰოსპიტალური მომსახურება, რაც მოიცავს საავადმყოფოში სტანდარტულ პალატაში განთავსებას, მოვლას, დიაგნოსტიკას, ქირურგიულ და კონსერვატიულ მკურნალობას.
- **გადაუდებელი სტაციონარული მომსახურება** გულისხმობს სტაციონარულ მომსახურებას, რომელიც აუცილებელი გახდა ჯანმრთელობის მდგომარეობის მკვეთრ გაუარესებასთან დაკავშირებით, რომელიც მოითხოვს გადაუდებელ ჰოსპიტალიზაციას პირველი 24 საათის განმავლობაში. ასეთ შემთხვევაში შეტყობინება უნდა გაკეთდეს დაზღვეულის ან მისი უფლებამოსილი წარმომადგენლის მიერ სტაციონარში განთავსებიდან არაუგვიანეს 24 საათისა.
- **გეგმიური სტაციონარული მომსახურება** შესაძლებელია ნებისმიერ სამედიცინო დაწესებულებაში/კლინიკაში. თანხის ანაზღაურება ხდება ხელშეკრულებით დადგენილი პირობების გათვალისწინებით, დაზღვეულის მიერ წარმოდგენილი შესაბამისი გადახდის დამადასტურებელი დოკუმენტის ან მზღვეველის მიერ გაცემული საგარანტიო წერილის საფუძველზე.

ორსულობა

- **ითვალისწინებს** სამედიცინო ჩვენებით დადასტურებული, ორსულობასთან დაკავშირებული სამედიცინო მომსახურებების და მკურნალობის ხარჯების ანაზღაურებას ნებისმიერ სამედიცინო დაწესებულებაში/კლინიკაში. თანხის ანაზღაურება ხდება ხელშეკრულებით დადგენილი პირობების გათვალისწინებით, დაზღვეულის მიერ წარმოდგენილი შესაბამისი გადახდის დამადასტურებელი დოკუმენტის ან მზღვეველის მიერ გაცემული საგარანტიო წერილის საფუძველზე.

მშობიარობა

- **ითვალისწინებს** ფიზიოლოგიურ ან გართულებულ მშობიარობასთან (სამედიცინო ჩვენებით საკეისრო კვეთის ჩათვლით) დაკავშირებული ხარჯების ანაზღაურებას ნებისმიერ სამედიცინო დაწესებულებაში/კლინიკაში. თანხის ანაზღაურება ხდება ხელშეკრულებით დადგენილი პირობების გათვალისწინებით, დაზღვეულის მიერ წარმოდგენილი შესაბამისი გადახდის დამადასტურებელი დოკუმენტის ან მზღვეველის მიერ გაცემული საგარანტიო წერილის საფუძველზე.
- **ორსულობა/მშობიარობა** მოცდის პერიოდის გარეშე.

გეგმიური სტომატოლოგიური მომსახურება (სატენდერო დოკუმენტაციითა და ხელშეკრულებით გათვალისწინებული პირობებით)

- დიაგნოსტიკა, თერაპიული და ქირურგიული მკურნალობა, მათ შორის კარიესის, პულპიტის, პერიოდონტიტის, ღრძილის დაავადებების/ანთების და სხვა მსგავსის მკურნალობას,

ქირურგიულ მანიპულაციებს, ორთოდონტია-ორთოპედიას, კბილების ჰიგიენურ წმენდას (წელიწადში ერთხელ);

- სტომატოლოგიური მომსახურება ხორციელდება მხოლოდ პროვაიდერ კლინიკებში. თანხის ანაზღაურება ხდება ხელშეკრულებით დადგენილი პირობების გათვალისწინებით, დაზღვეულის მიერ წარმოდგენილი შესაბამისი გადახდის დამადასტურებელი დოკუმენტის ან მზღვეველის მიერ გაცემული გარანტიის საფუძველზე.

- გადაუდებელი სტომატოლოგიური მომსახურება
- კბილის მწვავე ტკივილის მოხსნა, არხის გახსნა ან კბილის ექსტრაქცია;
- სტომატოლოგიურ დაწესებულებათა თავისუფალი არჩევანი.

პროფილაქტიკური გამოკვლევა

- ანკეტა ისტორიის გახსნა;
- ოჯახის ექიმის კონსულტაცია;
- სისხლის საერთო ანალიზი;
- შარდის საერთო ანალიზი;
- სისხლის ანალიზი შაქარზე;
- ეკბ;
- ღვიძლის ფუნქცია;
- PSA („პი სი აი“)

სამკურნალო მასაჟი

- შესაბამისი ლიცენზიის მქონე ექიმის მიერ დანიშნული სამკურნალო მასაჟი;
- მომსახურება ხორციელდება პროვაიდერ კლინიკებში არანაკლებ 30 პროცენტის ფასდაკლებით. თანხის ანაზღაურება ხდება ხელშეკრულებით დადგენილი პირობების გათვალისწინებით, დაზღვეულის მიერ წარმოდგენილი შესაბამისი გადახდის დამადასტურებელი დოკუმენტის ან მზღვეველის მიერ გაცემული გარანტიის საფუძველზე.

რელაქსაციური მასაჟი

- რელაქსაციის მიზნით ჩატარებული მასაჟი;
- მომსახურება ხორციელდება პროვაიდერ კლინიკებში არანაკლებ 30 პროცენტის ფასდაკლებით. თანხის ანაზღაურება ხდება ხელშეკრულებით დადგენილი პირობების გათვალისწინებით, დაზღვეულის მიერ წარმოდგენილი შესაბამისი გადახდის დამადასტურებელი დოკუმენტის ან მზღვეველის მიერ გაცემული საგარანტიო წერილის საფუძველზე.

ბალნეოლოგიური მკურნალობა

- შესაბამისი ლიცენზიის მქონე ექიმის მიერ დანიშნული ბალნეოლოგიური მკურნალობის კურსი, მათ შორის სამკურნალო წყლით, ტალახით და სხვა.
- მომსახურება ხორციელდება პროვაიდერ კლინიკებში არანაკლებ 30 პროცენტის ფასდაკლებით. თანხის ანაზღაურება ხდება ხელშეკრულებით დადგენილი პირობების გათვალისწინებით, დაზღვეულის მიერ წარმოდგენილი შესაბამისი გადახდის

დამადასტურებელი დოკუმენტის ან მზღვეველის მიერ გაცემული საგარანტიო წერილის საფუძველზე.

ფიზიოთერაპია

- შესაბამისი ლიცენზიის მქონე ექიმის მიერ დანიშნული ფიზიოთერაპიული პროცედურები.
- მომსახურება ხორციელდება ნებისმიერ სამედიცინო დაწესებულებაში/კლინიკაში. თანხის ანაზღაურება ხდება ხელშეკრულებით დადგენილი პირობების გათვალისწინებით, დაზღვეულის მიერ წარმოდგენილი შესაბამისი გადახდის დამადასტურებელი დოკუმენტის ან მზღვეველის მიერ გაცემული საგარანტიო წერილის საფუძველზე.
- **ლაზეროთერაპია**
- შესაბამისი ლიცენზიის მქონე ექიმის მიერ დანიშნული ლაზეროთერაპიული პროცედურები.
- მომსახურება ხორციელდება ნებისმიერ სამედიცინო დაწესებულებაში/კლინიკაში. თანხის ანაზღაურება ხდება ხელშეკრულებით დადგენილი პირობების გათვალისწინებით, დაზღვეულის მიერ წარმოდგენილი შესაბამისი გადახდის დამადასტურებელი დოკუმენტის ან მზღვეველის მიერ გაცემული საგარანტიო წერილის საფუძველზე.

**სიცოცხლის, უბედური შემთხვევისა და
ჯანმრთელობის დაზღვევის სადაზღვევო შემთხვევის დადგომისას ანაზღაურების გაცემის პირობები**

სამედიცინო მომსახურების მისაღებად დაზღვეული უნდა დაუკავშირდეს “ასისტანსის” 24-საათიან სამსახურს.

სამედიცინო მომსახურების მისაღებად დაზღვეულს შეუძლია:

1. მიმართოს სამედიცინო დაწესებულებას ოჯახის ექიმის საგარანტიო წერილის საფუძველზე, რომლის წარდგენის შემდგომ დაზღვეული თავისუფლდება სამედიცინო მომსახურების საფასურის გადახდისაგან ან გადაიხდის ამ საფასურის იმ ნაწილს, რომელიც გათვალისწინებულია სადაზღვევო პოლისით.
2. მიმართოს ნებისმიერ ლიცენზირებულ სამედიცინო დაწესებულებას, სადაც იგი გადაიხდის მომსახურების საფასურის სრულ თანხას. ხარჯების ანაზღაურება მოხდება ამ პირობების საფუძველზე, მზღვეველის ანაზღაურების სამსახურის მიერ, შესაბამისი გადახდის დამადასტურებელი დოკუმენტებისა და სამედიცინო საბუთების წარმოდგენის შემდგომ. აღნიშნული საბუთები მზღვეველს უნდა წარედგინოს მომსახურების მიღებიდან არაუგვიანეს 30 (ოცდაათი) დღისა. ხარჯების ანაზღაურება მოხდება საბუთების მიღებიდან 8 (რვა) სამუშაო დღის განმავლობაში.

წინამდებარე პირობების სხვა პუნქტებში მოცემულის გარდა, სატენდერო დოკუმენტაციით გათვალისწინებული პირობების დაცვით მზღვეველის მიერ ასევე ანაზღაურებას ექვემდებარება:

1. კლიმაქტერულ პერიოდთან დაკავშირებული პრობლემატიკის დიაგნოსტიკების/მკურნალობის ხარჯები; ნერვული აშლილობის დიაგნოსტიკის/მკურნალობის ხარჯები; ფტიზიატრიული დაავადებების დიაგნოსტიკის/მკურნალობის ხარჯები; ონკოლოგიური (მათ შორის პროსტატის ადენომა) დაავადებების მკურნალობის/ქირურგიის, ქიმიოთერაპიისა და სხივური თერაპიის ხარჯები;
2. ფარისებრი ჯირკვლის დაავადებების, თირკმლის და შარდის ბუშტის კენჭოვანი დაავადებების, ბრონქული ასთმის, ეპილეფსიის, დერმატიტების, სისტემური დაავადებების (სისტემური წითელი მგლურა, სკლეროდერმია, მუკოვისციდოზი, სარკოიდოზი, ამილოიდოზი) დიაგნოსტიკის და/ან მათი მკურნალობის ხარჯები, პლასმაფერეზის ხარჯები;
3. მხედველობის კორექცია, ასტიგმატიზმი;
4. ჰიპერტონიული და გულ-სისხლძარღვთა დაავადებები, კარდიოქირურგია (მათ შორის სტენტირება, შუნტირება) ხარჯები;
5. პროქტოლოგია;
6. კომპიუტერული და მაგნიტური ტომოგრაფია;
7. ხელშეკრულების ძალაში შესვლამდე არსებული ჯანმრთელობის პრობლემების და მათი გართულების ხარჯები.

ჯანმრთელობის დაზღვევის გამონაკლისები:

1. სათვალის, კონტაქტური ლინზების, სმენის აპარატის, პროტეზის და სხვა მაკორეგირებელი დანიშნულების აპარატების შეძენასთან დაკავშირებული ხარჯები, მათ შორის იმ პროტეზების შეძენასთან დაკავშირებული ხარჯები, რომელთა ჩადგმა საჭიროებს ქირურგიულ ჩარევას;
2. იმპლანტაციის, უშვილობის, სექსუალური დარღვევების, ხელოვნური განაყოფიერების, სტერილიზაციის, არასამედიცინო ჩვენებით ჩატარებული აბორტისა და კონტრაცეფციის ხარჯები; გენეტიკური და თანდაყოლილი დაავადებების, ანომალიების და დეფექტების გამოკვლევის/მკურნალობის ხარჯები;
3. ფსიქიატრიული დაავადებების, დამხმარე პრეპარატების, თუ პოლისით სხვა რამ არ არის გათვალისწინებული; იმუნიზაციის და ვაქცინაციის ხარჯები (გარდა გადაუდებელი იმუნიზაციისა - ანტირაბიული და ანტიტეტანური), ანტირეზუსიმიუნიზაციის, ლაზეროთერაპიის ხარჯები (თუ პოლისით სხვა რამ არ არის გათვალისწინებული); მოწვევით/ავიანთი სპეციალისტის ჰონორარი;
4. შიდსის, აივ ინფექციის, და C ჰეპატიტის და/ან მათი გართულებების მკურნალობის ხარჯები. **ეს გამონაკლისი არ ეხება აღნიშნული დაავადებების პირველად დიაგნოსტიკას;**
5. შაქრიანი ან უშაქრო დიაბეტის, ქრონიკული ჰეპატიტის, თირკმლის ქრონიკული უკმარისობის, გართულებების გამოკვლევისა და მკურნალობის, დიალიზის ხარჯები. **ეს გამონაკლისი არ ეხება აღნიშნული დაავადებების პირველად დიაგნოსტიკას და გამწვავებას;**
6. წონის კორექციის, პლასტიკური ქირურგიის, კოსმეტიკური მკურნალობის, არატრადიციული ან მეცნიერულად დაუსაბუთებელი მეთოდებით მკურნალობის ხარჯები, აკუპუნქტურის, ჰომეოპათიის, ფიტოთერაპიის, მანუალური თერაპიის, ჰიპნოზის, სანატორიულ-კურორტული მკურნალობის ხარჯები; საკვები დანამატების, ფიტოპრეპარატების, ბიოლოგიურად აქტიური დანამატების ღირებულება, დამხმარე საშუალებების (გადასახვევი მასალები, ჰიგიენისა და მოვლის საშუალებები, შაქრის შემცველები);

7. ამიოტროპიის და ასტიგმატიზმის მკურნალობის ხარჯები;
8. ორგანოების/ქსოვილების გადანერგვის, ორგანოების შესყიდვის და დონორთან დაკავშირებული სხვა ხარჯები, ხელოვნურ გულთან დაკავშირებული ხარჯები (გარდა სტენტირება-შუნტირებისა);
9. ნარკოტიკული/ტოქსიური ნივთიერებების ზემოქმედების ქვეშ მიღებული დაზიანების მკურნალობის ხარჯები; ალკოჰოლური, ნარკოტიკული/ტოქსიური ნივთიერებების ზემოქმედების ქვეშ ავტოსატრანსპორტო საშუალების მართვისას მიღებული დაზიანების მკურნალობის ხარჯები; ასევე ნარკომანია, ტოქსიკომანიასა და ალკოჰოლიზმთან დაკავშირებულ სამედიცინო ხარჯები;
10. რადიაციული დასხივებისას მიღებული დაზიანების მკურნალობის ხარჯები; მღვიმეებისა და გამოქვაბულების გამოკვლევაში, აგრეთვე ძლიერ ფეთქებად ნივთიერებათა განადგურებაში მონაწილეობის შედეგად მიღებული დაზიანებების დიაგნოსტიკის/მკურნალობის ხარჯები; დაზღვეულის მონაწილეობა ქვემოთ ჩამოთვლილ სამოყვარულო სპორტის სახეობებში: საპყრო სპორტი, სპორტის საბრძოლო სახეობები, ნებისმიერი სახის სიჩქარეზე შეჯიბრი (გარდა ბურთით სამოყვარულო თამაშისა და ფეხით მოძრაობისა), აკვალანგით ყვინთვა, კლდეზე ცოცვა, ალპინიზმი, სპელეოლოგია, ჯომარდობა, პარაშუტით ხტომა; დაზღვეულის მონაწილეობა პროფესიულ სპორტის სახეობებში (შეჯიბრი, საჩვენებელი გამოსვლა, წვრთნა);

უბედური შემთხვევისგან დაზღვევა

1. ამ პირობების თანახმად, სადაზღვეო შემთხვევას წარმოადგენს დაზღვეულის გარდაცვალება/სხეულის დაზიანება უბედური შემთხვევის შედეგად.
2. სხეულის დაზიანების შედეგად ნაწილობრივი მუდმივი შრომისუნარობის დადგენის შემთხვევაში გასაცემი ანაზღაურების თანხა გამოითვლება ლიმიტის შესაბამისი წილის ოდენობით, როგორც ეს მითითებულია ქვემოთ მოყვანილ ცხრილში.

სრული დაკარგვა ან საბოლოო უფუნქციობა	სრული ლიმიტის ასანაზღაურებელი წილი*
1. ერთი ხელის იდაყვის სახსრის ზევით: - მარჯვენა - მარცხენა	70% 70%
2. ერთი ხელის იდაყვის სახსრის ქვევით: - მარჯვენა - მარცხენა	60% 60%
3. ხელის ერთი მტევნის: - მარჯვენა - მარცხენა	60% 60%
4. ერთი ფეხის მუხლის სახსრის ზევით	70%
5. ერთი ფეხის მუხლის სახსრის ქვევით	50%
6. ტერფის	50%
7. მხედველობის - ორივე თვალში - ერთ თვალში	100% 35%
8. მტევნის ერთი თითის: - ცერა - საჩვენებელი - შუა - უსახელო და ნეკა	20% 10% 10% 10%
9. ტერფის ერთი თითის: - დიდი - სხვა დანარჩენი	10% 5%
10. სმენის დაკარგვა: - ერთ ყურში - ორივე ყურში	15% 60%
11. შეგრძნების უნარის დაკარგვა: - ყნოსვის - გემოვნების	10% 10%

უბედური შემთხვევისგან დაზღვევის გამონაკლისები:

ამ დაზღვევის პირობების მიხედვით მზღვეველი უფლებამოსილია არ გაცეს სადაზღვევო ანაზღაურება, თუ სადაზღვევო შემთხვევა წარმოადგენს ქვემოთ ჩამოთვლილ გარემოებათა უშუალო შედეგს ან განპირობებულია ამ გარემოებებით:

- თვითმკლველობა ან თვითმკვლელობის მცდელობა, თვითდაზიანება;
- დაზღვეულის მკვლელობა, მკვლელობის მცდელობა ან სხეულის დაზიანება, რომელშიც პირდაპირ ან არაპირდაპირ ბრალი მიუძღვის დამზღვევს და/ან მოსარგებლეს;
- დაზღვეულის მიერ ნებისმიერი სახის კანონსაწინააღმდეგო ქმედების განზრახ ჩადენა ან ჩადენის მცდელობა;
- ნებისმიერ საფრენ საშუალებაში ყოფნა, მასში შესვლა ან მისგან გამოსვლა, გარდა იმ შემთხვევებისა, როდესაც დაზღვეული არის რეგულარული ავიარების მგზავრი;
- ნარკოტიკული/ტოქსიური ნივთიერებების ზემოქმედების ქვეშ დამდგარი სადაზღვევო შემთხვევა; ალკოჰოლური, ნარკოტიკული/ტოქსიური ნივთიერებების ზემოქმედების ქვეშ ავტოსატრანსპორტო საშუალების მართვისას დამდგარი სადაზღვევო შემთხვევა;
- დაზღვეულის მიერ ნებაყოფლობით არააუცილებელ ხიფათში თავის ჩაგდება, გარდა ადამიანის სიცოცხლის გადარჩენის მცდელობის შემთხვევისა;

- დაზღვეულის მონაწილეობა ქვემოთ ჩამოთვლილ სპორტის სახეობებში: საჰაერო სპორტი, სპორტის საბრძოლო სახეობები, სპორტის ზამთრის სახეობები, ნებისმიერი სახის სიჩქარეზე შეჯიბრი (გარდა სამოყვარულო ბურთით თამაშისა და ფეხით მოძრაობისა), აკვალანგიო ყვინთვა, კლდეზე ცოცვა, ალპინიზმი, სპელეოლოგია, ჯომარდობა, პარაშუტით ხტომა;
- დაზღვეულის მონაწილეობა პროფესიულ სპორტის სახეობებში (შეჯიბრი, საჩვენებელი გამოსვლა, წვრთნა);
- დაზღვეულის მონაწილეობა არანებადართულ (შესაბამისი ლიცენზიის ან/და ნებართვის გარეშე) ნადირობასთან;
- სამსახურეობრივი მოვალეობის შესრულება შეიარაღებულ ფორმირებებში (თუ პოლისით სხვა რამ არ არის გათვალისწინებული);
- მაიონიზირებელი დასხივების ზემოქმედება;
- ომი, უცხოელი აგრესორის მიერ განხორციელებული სამხედრო მოქმედებები (მიუხედავად ომის გამოცხადების თუ გამოუცხადებლობისა), სამოქალაქო ომი, აჯანყება, ბუნტი, რევოლუცია, სახალხო მღელვარება, სამხედრო ან უზურპირებული ძალაუფლების გამოყენება, ტერორისტული აქტები;
- სანაძღვოს პირობების, აკრობატული ილეთების შესრულება, რეკორდის დამყარება, რეკორდის დამყარების მცდელობა ან ამისათვის მოსამზადებელი ცდები.

სადაზღვევეი ანაზღაურება

სადაზღვევო შემთხვევის დადგომისას მოსარგებლე ვალდებულია არაუგვიანეს 48 საათისა შეტყობინოს ამის შესახებ “ასისტანსის” სამსახურს, ხოლო შეტყობინებიდან 30 კალენდარული დღის განმავლობაში წარუდგინოს მზღვეველს შევსებული “განცხადებული პრეტენზიის ფორმა” სადაზღვევო პოლისის დედანთან და მზღვეველის მიერ მოთხოვნილ სხვა დოკუმენტებთან ერთად.

დაზღვეულის გარდაცვალების შემთხვევაში სადაზღვევო ანაზღაურება გაიცემა სადაზღვევო პოლისის დედანის და გარდაცვალების ფაქტის დამადასტურებელი საბუთის წარმოდგენის საფუძველზე და მხოლოდ იმ შემთხვევაში, თუ შესაძლებელია გარდაცვლილის იდენტიფიცირება ან, დაზღვეულის სადაზღვევო პერიოდის განმავლობაში გაუჩინარების შემთხვევაში, თუ არსებობს სასამართლო გადაწყვეტილება მისი გარდაცვლილად ცნობის შესახებ. საჭიროების შემთხვევაში მზღვეველი უფლებამოსილია მოითხოვოს გარდაცვლილის იდენტიფიცირება და თუ ეს შეუძლებელია, არ გასცეს სადაზღვევო ანაზღაურება.

იმ შემთხვევაში თუ მზღვეველი ჩათვლის, რომ საჭიროა დაზღვეულის გარდაცვალების გარემოებების მიზეზის დაზუსტება, მის ნდობით აღჭურვილ ექიმ-ექსპერტს ნება უნდა დაერთოს ჩაუტაროს გამოკვლევა დაზღვეულის სხეულს.

ამ პირობების შეუსრულებლობა შეიძლება გახდეს მზღვეველის მიერ სადაზღვევო ანაზღაურების გაცემაზე უარის თქმის საფუძველი.

წარმოსადგენი დოკუმენტაციის ჩამონათვალი.

1. გარდაცვალების მოწმობის ორიგინალი ან ნოტარიულად დამოწმებული ასლი.
2. სიკვდილის შესახებ სამედიცინო ცნობის ასლი.
3. სიკვდილის უტყუარი მიზეზის დამადასტურებელი დოკუმენტის ასლი (პათოლოგოანატომიური გამოკვლევის ოქმის ასლი).
4. ამონაწერი ავადმყოფის ამბულატორიული ბარათიდან, მათ შორის დაზღვევამდე არსებული და შემდგომ განვითარებული დაავადებების შესახებ.
5. სტაციონარში გარდაცვალების შემთხვევაში – ამონაწერი ავადმყოფის სტაციონარული ბარათიდან.
6. კომპეტენტური ორგანოს მიერ გაცემული დასკვნა ნაწილობრივი მუდმივი შრომისუნარიობის შესახებ.
7. პოლისის ორიგინალი.
8. მოსარგებლის პიროვნების დამადასტურებელი დოკუმენტი.
9. მემკვიდრეობის ძალაში შესვლის დამადასტურებელი დოკუმენტი.

მზღვეველი ვალდებულია გასცეს მოსარგებლეზე სადაზღვევო ანაზღაურება ყველა საჭირო დოკუმენტაციის წარმოდგენიდან 5 სამუშაო დღის ვადაში, მოსარგებლის მიერ მითითებულ საბანკო ანგარიშზე.

ძრავიანი ავტომანქანების დაზღვევის პირობები

ტერმინთა განმარტება:

- „**მზღვეველი**“ – პირი, რომელიც საქართველოს კანონმდებლობის შესაბამისად ეწევა სადაზღვევო საქმიანობას;
- „**დამზღვევე**“ – იურიდიული ან ფიზიკური პირი, რომელიც სადაზღვევო პოლისითა და განაცხადით განსაზღვრულ ავტომოტოტრანსპორტს აზღვევს მზღვეველთან და იხდის შესაბამის სადაზღვევო პრემიას. თუ სადაზღვევო პოლისით სხვა რამ არ არის გათვალისწინებული, დამზღვევე იმავდროულად არის დაზღვეული;
- „**დაზღვეული**“ – პირი, რომლის ავტომოტოტრანსპორტის მიმართაც ხორციელდება დაზღვევა (ავტომოტოტრანსპორტის მესაკუთრე ან/და კანონიერი მფლობელი) და რომელიც უფლებამოსილია, წინამდებარე ხელშეკრულება/პირობების საფუძველზე მიიღოს სადაზღვევო ანაზღაურება, უბედური შემთხვევისაგან დაზღვევისას დაზღვეულად განისაზღვრება ავტოტრანსპორტის მძღოლი და მგზავრები, ავტოტრანსპორტში არსებული უსაფრთხოების ღვედების რაოდენობის შესაბამისად;
- „**მოსარგებლე**“ – იურიდიული ან ფიზიკური პირი, რომელიც ხელშეკრულება/პირობების თანახმად იღებს სადაზღვევო ანაზღაურებას;
- „**უფლებამოსილი მძღოლი**“ – სადაზღვევო პოლისში ან/და მის დანართში (დაზღვევის განაცხადი-ანექტა) მითითებული, კანონმდებლობის საფუძველზე, დაზღვეული ავტომოტოტრანსპორტის მართვის უფლების მქონე პირი. ასევე, მხარეთა მიერ შეთანხმებული წერილობით ფორმით დამატებული ფიზიკური პირი;
- „**დაზღვევის ობიექტი**“ – დაზღვევის ობიექტს წარმოადგენს სადაზღვევო პოლისში ან/და მის დანართში მითითებული, დამზღვევის/დაზღვეულის კანონიერ საკუთრებაში (მფლობელობა, სარგებლობა) მყოფი ავტომოტოტრანსპორტისა ან/და მის ცალკეულ ნაწილთან დაკავშირებული დაზღვეულის ქონებრივი ინტერესები, რომელიც დაკავშირებულია ავტომოტოტრანსპორტის ფლობასთან, გამოყენებასა და განკარგვასთან;
- „**ავტომოტოტრანსპორტი**“ – სადაზღვევო პოლისში ან/და მის დანართში (დაზღვევის განაცხადი-ანექტა) მითითებული ძრავიანი სატრანსპორტო საშუალება ან სატრანსპორტო საშუალებათა შეწყვილებული კომბინაცია, რომელიც გამოიყენება საავტომობილო გზაზე ტვირთის გადასაზიდად ან/და მგზავრთა გადასაყვანად, გარდა სატრანსპორტო საშუალებისა, რომელიც გადაადგილდება ბაგირის ან თოკის საშუალებით, სარკინიგზო ტრანსპორტისა, მუხლუხა მანქანისა და სამშენებლო-სამონტაჟო მანქანა-დანადგარისა სამშენებლო – სამონტაჟო სამუშაოების წარმოების დროს, თუკი მანქანა-დანადგარისა სამშენებლო რისკებისაგან დაზღვევა გათვალისწინებული არ არის სადაზღვევო პოლისით;
- „**საავტომობილო გზა**“ – მყარი საფარის მქონე (საინჟინრო ნაგებობა) მაკავშირებელი სავალი ზოლი, რკინიგზებისა და ასაფრენ-დასაჯდომი მოედნების გარდა, რომლებიც ღიაა საერთო მოძრაობისათვის და განკუთვნილია საკუთარი თვლებით გადაადგილებადი ავტომოტოტრანსპორტისათვის, მათ შორის ხიდები, გვირაბები, მზიდო კონსტრუქციები, გზათა გადაკვეთები, გზაჯვარედინები და გზათა განშტოებები, მათ შორის ე.წ. სოფლის გზა და მსგავსი საფარის მქონე გზები;
- „**საგზაო-სატრანსპორტო შემთხვევა**“ – საავტომობილო გზაზე სატრანსპორტო საშუალების მოძრაობის შედეგად და მისი მონაწილეობით წარმოქმნილი მოვლენა, რომლის დროსაც დაშავდა ან დაიღუპა ადამიანი, დაზიანდა სატრანსპორტო საშუალება ტვირთი, ნაგებობა;
- „**სადაზღვევო პოლისი**“ – მზღვეველის მიერ გაცემული მოწმობა წინამდებარე ხელშეკრულება/პირობების შესახებ;
- „**სადაზღვევო თანხა**“ – სადაზღვევო პოლისში მითითებული თანხის მაქსიმალური ოდენობა, რომლის ფარგლებშიც დადგენილია მოსარგებლისათვის სადაზღვევო პერიოდის განმავლობაში დამდგარი სადაზღვევო შემთხვევის დადგომით მიყენებული ზიანის ანაზღაურების უზრუნველყოფა და რომელიც არ უნდა აღემატებოდეს დაზღვევის ობიექტის რეალურ საბაზრო ღირებულებას;
- „**სადაზღვევო შემთხვევა**“ – ხელშეკრულებით/პირობებით და/ან მის საფუძველზე გაცემული სადაზღვევო პოლისით გათვალისწინებული სადაზღვევო რისკის დადგომით გამოწვეული ზიანი, რომელიც წარმოშობს მზღვეველის ვალდებულებას, გასცეს სადაზღვევო ანაზღაურება.
- „**სადაზღვევო რისკი**“ – მოვლენა, რომელიც შეიცავს მისი დადგომის შესაძლებლობის და შემთხვევითობის ნიშნებს და რომლის გამოც ხდება დაზღვევა;
- „**რეალური საბაზრო ღირებულება**“ – დაზღვევის ობიექტის რეალური საბაზრო ღირებულება, რომელიც შესაბამისობაში უნდა იყოს ავტოტრანსპორტის ბაზარზე არსებული მსგავსი პარამეტრების მქონე ავტომოტოტრანსპორტის ღირებულებასთან;
- „**სადაზღვევო ანაზღაურება**“ – ანაზღაურება, რომელიც ხელშეკრულების საფუძველზე მზღვეველის მიერ გაიცემა დამზღვევზე;
- „**მიყენებული ზიანი, ზარალი**“ – მატერიალური ზარალი, რომელიც მიადგა დამზღვევს (დაზღვეული/მოსარგებლე) სადაზღვევო შემთხვევის დადგომის შედეგად;
- „**სრული ზარალი**“ – ზარალი, რომლის შედეგადაც ავტომოტოტრანსპორტი არის დაკარგული ან მოლინად განადგურებული ან/და არ ექვემდებარება აღდგენას;
- „**სადაზღვევო პრემია**“ – სადაზღვევო პოლისში მითითებული დამზღვევის მიერ ერთჯერადად ან მზღვეველთან შეთანხმებული გრაფიკით ნაღდი ან უნაღდო ანგარიშსწორების წესით გადასახდელი დაზღვევის საფასური სადაზღვევო დაფარვის უზრუნველყოფისათვის;

„**არსებითი გარემოება**“ – დამზღვევისთვის წინასწარ ან/და შემდგომ ცნობილი გარემოებანი (ან/და ისეთი გარემოებანი, რომელთა შესახებ მას უნდა სცოდნოდა), რომელიც შეეხება მზღვეველის მიერ დაზღვევის ობიექტის, რისკის, შემთხვევის, საფრთხის შეფასებას, ან/და სხვა გარემოებები, რომლებსაც შეუძლიათ გავლენა იქონიონ მზღვეველის გადაწყვეტილებაზე, უარი თქვას თავის ვალდებულებებზე ან/და მოითხოვოს სადაზღვევო პრემიის გაზრდა ან დამატებითი პირობების დაწესება, ან/და გარემოებანი, რომელთა შესახებაც მზღვეველი წერილობით შეეკითხება დამზღვევს;

„**რეგრესი წესი**“ – დამზღვევისთვის (დაზღვეული, მოსარგებლე) სადაზღვევო ანაზღაურების გაცემის შემდგომ მზღვეველის უფლება დაიკმაყოფილოს თავისი მოთხოვნები სადაზღვევო შემთხვევის დადგომაში ბრალეული მხარისაგან;

„**სადაზღვევო პერიოდი**“ – სადაზღვევო პოლისში მითითებული დაზღვევის მოქმედების ვადა;

„**საინფორმაციო უზრუნველყოფა**“ – კონტრაგენტისათვის შეტყობინების, დოკუმენტაციის ან/და წინამდებარე პირობებით გათვალისწინებული სხვა სახის ინფორმაციის მიწოდება;

„**ფრანშიზა**“ – სადაზღვევო პოლისში მითითებული არანაზღაურებადი მინიმუმი, პროცენტულად ან ფიქსირებული თანხით განსაზღვრული დაზღვეული ქონებისადმი მიყენებული ზიანის ოდენობა, რომელსაც არ ანაზღაურებს მზღვეველი. ფრანშიზა გამოიქვეყნება ყოველი ანაზღაურების გაცემისას და ვრცელდება ყოველ რისკზე დაზღვევის სერთიფიკატში მითითებული ერთი და იმავე ან განსხვავებული ოდენობით. ფრანშიზა შესაძლებელია იყოს პირობითი ან უპირობო, თუკი სადაზღვევო პოლისით სხვა რამ არ არის გათვალისწინებული, იგულისხმება, რომ ფრანშიზა არის უპირობო;

„**ავტომოტოტრანსპორტის გამოყენების სახეობები**“ – ავტომოტოტრანსპორტის გამოყენება კომერციული მიზნით; ავტომოტოტრანსპორტის გამოყენება სამსახურებრივი მიზნით; ავტომოტოტრანსპორტის გამოყენება პერსონალური მიზნით; ავტომოტოტრანსპორტის გამოყენება სპეციალური ან/და ოპერატიული მიზნით;

„**ავტომოტოტრანსპორტის გამოყენება კომერციული მიზნით**“ – ავტომოტოტრანსპორტის გამოყენება მგზავრების ან/და ტვირთის ტრანსპორტირებისათვის უშუალოდ ამგვარი საქმიანობიდან შემოსავლის მიღების მიზნით;

„**ავტომოტოტრანსპორტის გამოყენება სამსახურებრივი მიზნით**“ – იურიდიული პირის საკუთრებაში ან/და მფლობელობაში მყოფი ავტომოტოტრანსპორტის გამოყენება სამსახურებრივი მიზნებისთვის, უშუალოდ მგზავრების ან ტვირთის ტრანსპორტირებიდან შემოსავლის მიღების მიზნის გამონაკლისით;

„**ავტომოტოტრანსპორტის გამოყენება პერსონალური მიზნით**“ – ავტომოტოტრანსპორტის გამოყენება პირადი მიზნებისათვის, უშუალოდ ამგვარი საქმიანობიდან შემოსავლის მიღების მიზნის გამონაკლისით;

„**ავტომოტოტრანსპორტის გამოყენება სპეციალური ან/და ოპერატიული მიზნით**“ – ავტომოტოტრანსპორტის გამოყენება სპეციალური (სასწრაფო დახმარება, სახანძრო, დაცვის სამსახური) ან/და პოლიციური მიზნებით;

„**ქურდობა**“ – ავტომოტოტრანსპორტის ფარული დაუფლება, მართლსაწინააღმდეგო მისაკუთრების მიზნით (სსკ 177-ე მუხლი);

„**ძარცვა**“ – ავტომოტოტრანსპორტის მართლსაწინააღმდეგო აშკარა დაუფლება მართლსაწინააღმდეგო მისაკუთრების მიზნით (სსკ 178-ე მუხლი);

„**ყაჩაღობა**“ – თავდასხმა, ავტომოტოტრანსპორტის მართლსაწინააღმდეგო მისაკუთრების მიზნით, ჩადენილი სიცოცხლისთვის ან ჯანმრთელობისთვის საშიში ძალადობით ან ასეთი ძალადობის გამოყენების მუქარით;

ნაწილობრვ ქურდობა, ძარცვა, ყაჩაღობად განიხილება ავტომოტოტრანსპორტის კომპლექტაციაში არსებული აქსესუარების ან ცალკეული ნაწილების ქურდობა, ძარცვა და/ან ყაჩაღობა;

სტიქიური უბედურება – გარე ბუნებრივი ძალების მექანიკური ზემოქმედება (ქარიშხალი, გრიგალი, ქარბორბალა, შტორმი, სეტყვა, ქვისცვენა, მეწყერი, გრუნტის დაწვევა, ყინვა, უხვთოვლიანობა, წყალდიდობა, თავსხმა, მდინარეების ადიდება, მიწისძვრა და სხვა), რომელმაც დააზიანა ან/და გაანადგურა დაზღვევის ობიექტი;

„**ხანძარი**“ – ღია ცეცხლი, რომელიც მოჰყვება ავტომოტოტრანსპორტის ან/და მისი ნაწილების წვას, რომელიც უშუალო კავშირშია ავტომოტოტრანსპორტის ექსპლუატაციასთან და რომელმაც დააზიანა ან/და გაანადგურა დაზღვევის ობიექტი. ასევე, ღია ცეცხლი, რომლის კერასაც წარმოადგენს გარშემო მყოფი ობიექტები, შენობა-ნაგებობები და/ან სხვა საგნები, გარდა იმ შემთხვევებისა, როდესაც დაზღვეულის მიერ დარღვეულია სახანძრო უსაფრთხოების კანონით დადგენილი წესები.

„**მიმდინარე სადაზღვევო ლიმიტი**“ – პირველი სადაზღვევო შემთხვევის დადგომისას მოქმედებს სადაზღვევო პოლისში მითითებული მაქსიმალური სადაზღვევო ლიმიტი (სადაზღვევო თანხა). მიმდინარე სადაზღვევო ლიმიტი უდრის სადაზღვევო პოლისში განსაზღვრულ სადაზღვევო თანხას გამოკლებული სადაზღვევო პერიოდის განმავლობაში უკვე ანაზღაურებული ზარალ(ებ)ის თანხას;

„**დაზღვევის განაცხადი-ანკეტა**“ – მზღვეველის მიერ შემუშავებული განაცხადის ფორმა, დამზღვევის მიერ შესავსები კითხვარი, რომელშიც აისახება დაზღვევის განხორციელებისათვის აუცილებელი მონაცემები;

„**პროპორციული ანაზღაურება**“ - დაზღვევა, როდესაც მზღვეველი ანაზღაურებს ზიანის ნაწილს იმ პროპორციით, რა პროპორციაც არსებობდა დაზღვევის მომენტისათვის სადაზღვევო თანხასა და დასაზღვევი ავტომოტოტრანსპორტის საბაზრო ღირებულებას შორის;

უბედური შემთხვევა - საგზაო-სატრანსპორტო შემთხვევა, რომელსაც ადგილი ჰქონდა, უფლებამოსილი მძღოლის მიერ სადაზღვევო პოლისში მითითებული ავტომოტოტრანსპორტის მართვისას, მასში მგზავრობისას, მასში ჩაჯდომისას ან გადმოსვლისას და რომელმაც განაპირობა დამზღვევის/დაზღვეულის (უფლებამოსილი მძღოლი, მგზავრი) გარდაცვალება, სხეულის დაზიანება ან ჯანმრთელობის გაუარესება. მათ შორის, შეკეთების სამუშაოების (საბურავის გამოცვლა ან სხვა) დროს დამდაგრი შემთხვევები, მხოლოდ იმ შემთხვევაში თუკი დაცულია პარკირებისა და უსაფრთხოების წესები.

მესამე პირის წინაშე დაზღვეულის პასუხისმგებლობის ნებაყოფლობითი დაზღვევა - შემთხვევა, რომელმაც გამოიწვია მესამე პირის ჯანმრთელობის და/ან ქონების დაზიანება, რაზეც კანონის თანახმად

წარმოშობის დაზღვეულის პასუხისმგებლობა მესამე პირის წინაშე და რომელიც, წინამდებარე პირობებისა და გამონაკლისების გათვალისწინებით, დაფარულია დაზღვევის პირობებით (ეს პირობა არ ვრცელდება პირებზე, რომლებიც ზიანის დადგომის მომენტიდან იმყოფებოდნენ დაზღვეულ ავტომოტორტრანსპორტში, მათთვის მიყენებული ზიანი განიხილება, როგორც უბედური შემთხვევა და ანაზღაურდება იმ შემთხვევაში თუკი კონკრეტული სადაზღვევო პოლისი ითვალისწინებს აღნიშნულ დაზღვევას).

მესამე პირი – ნებისმიერი პირი, რომლის სიცოცხლეს, ჯანმრთელობას ან ქონებას ზიანი მიადგა ავტომობილის ექსპლუატაციის შედეგად, გარდა

- დაზღვეული ავტომობილის მგზავრისა;

- დაზღვეულის, მისი ოჯახის წევრებისა და მის მიერ დაქირავებული მუშაკებისა;

მგზავრი - ფიზიკური პირი, რომელიც ზის, მგზავრობს, ჯდება, გადმოდის დაზღვეული ავტომობილიდან;

გარდაცვალება - ადამიანის ტვინის ფუნქციონირების შეუქცევადი შეწყვეტა;

სხეულის დაზიანება - კიდურების ან ორგანოების ფუნქციის სრული ან ნაწილობრივი მუდმივი მოშლა ან მათი ფიზიკური დაკარგვა (ამპუტაცია), რომელიც მოხდა ავტოსატრანსპორტო შემთხვევიდან 12 თვის განმავლობაში და წარმოადგენს მის უშუალო შედეგს;

ჯანმრთელობის დაზიანება – ავტოსატრანსპორტო შემთხვევით გამოწვეული მესამე პირის გარდაცვალება ან ჯანმრთელობის გაუარესება, რომელიც მოხდა ავტოსატრანსპორტო შემთხვევიდან 12 თვის განმავლობაში და წარმოადგენს მის უშუალო შედეგს;

ქონების დაზიანება - მესამე პირის ქონების დაზიანება, რომელიც წარმოადგენს ავტოსატრანსპორტო შემთხვევის უშუალო შედეგს;

“დაზღვევის შესახებ ხელშეკრულება” – შემდეგი დოკუმენტების ერთობლიობა: ხელშეკრულება, წინამდებარე პირობები, დამზღვევის მიერ შევსებული განაცხადი-ანკეტა, მზღვეველის მიერ მთხოვნილი და დამზღვევის მიერ წარმოდგენილი დოკუმენტაცია, სადაზღვევო პოლისი.

დაზღვევის ობიექტი და დაზღვევის სახეობა

დაზღვევის ობიექტს წარმოადგენს სადაზღვევო პოლისში მითითებული, დამზღვევის (დაზღვეული/მოსარგებლე) კანონიერ საკუთრებაში (სარგებლობა/მფლობელობა) მყოფი ავტომოტორტრანსპორტი ან/და მასთან დაკავშირებული დაზღვეულის ქონებრივი ინტერესები, რომლებიც დაკავშირებულია ავტომოტორტრანსპორტის ფლობასთან, გამოყენებასა და განკარგვასთან;

ავტომოტორტრანსპორტის დაზღვევის კონკრეტული სახეობა მითითებულია სადაზღვევო პოლისში;

ავტომოტორტრანსპორტის ძარის (casco) სრული დაზღვევის შემთხვევაში ანაზღაურდება დაზღვევის ობიექტის დაზიანებით, განადგურებით ან/და დაკარგვით გამოწვეული ზიანი (ავტომოტორტრანსპორტის ქურდობის, ძარცვისა და ყაჩაღობის ჩათვლით);

ავტომოტორტრანსპორტის ძარის (casco) არასრული დაზღვევის შემთხვევაში ანაზღაურდება დაზღვევის ობიექტის დაზიანებით ან/და განადგურებით გამოწვეული ზიანი (ავტომოტორტრანსპორტის ქურდობის, ძარცვისა და ყაჩაღობის გარდა);

წინამდებარე დაზღვევის პირობები ითვალისწინებს მესამე პირის წინაშე დაზღვეულის პასუხისმგებლობის დაზღვევასაც;

წინამდებარე დაზღვევის პირობები ითვალისწინებს, ასევე, მძღოლისა და მგზავრ(ებ)ის უბედური შემთხვევისაგან დაზღვევას, რაც გულისხმობს სადაზღვევო ანაზღაურების გაცემას უბედური შემთხვევის შედეგად დაზღვეულის გარდაცვალებისას, მათ შორის სადაზღვევო პერიოდის განმავლობაში მომხდარი უბედური შემთხვევის დადგომის მომენტიდან თორმეტი კალენდარული თვის განმავლობაში, თუ გარდაცვალება არის ამ უბედური შემთხვევის უშუალო და პირდაპირი შედეგი; ასევე, დაზღვეულის სხეულის დაზიანება სადაზღვევო პერიოდის განმავლობაში მომხდარი უბედური შემთხვევის დადგომის მომენტიდან თორმეტი კალენდარული თვის განმავლობაში, თუ სხეულის დაზიანება იქნება ამ უბედური შემთხვევის უშუალო და პირდაპირი შედეგი;

წინამდებარე დაზღვევის პირობები მოიცავს ევაკუატორის მომსახურებას ავტოსაგზაო და ნებისმიერი სხვა შემთხვევის გამო დაზიანებული სატრანსპორტო საშუალების გადასაყვანად დამზღვევის/დაზღვეულის მოთხოვნის შესაბამისად არაუგვიანეს იმავე დღისა;

დაზღვევის ობიექტ(ებ)ის, საგნებისა და სადაზღვევო რისკების კონკრეტული ჩამონათვალი განისაზღვრება დამზღვევის მიერ შევსებული ავტომოტორტრანსპორტის დაზღვევის განაცხადში, რის საფუძველზეც გაიცემა სადაზღვევო პოლისი.

ტერიტორიული ფარგლები

წინამდებარე ხელშეკრულება/პირობების საფუძველზე განხორციელებული დაზღვევის მოქმედების ტერიტორიული ფარგლები, რომელიც მითითებულია შესაბამის სადაზღვევო პოლისში.

მხარეთა უფლება-მოვალეობანი

დამზღვევი/დაზღვეული ვალდებულია:

გადაიხადოს სადაზღვევო პრემია ან/და მისი ნაწილი ხელშეკრულებით განსაზღვრული გრაფიკის შესაბამისად;

უზრუნველყოს მზღვეველის უფლებამოსილი წარმომადგენლის მიერ ავტომოტორტრანსპორტის დათვალიერება (რაც ჩაიწერება სადაზღვევო განაცხადში). დათვალიერების დასრულებამდე მზღვეველი არ გასცემს სადაზღვევო პოლისს და თავისუფალია თავისი ვალდებულებებისგან;

უზრუნველყოს მზღვეველი სადაზღვევო პოლისის გაცემისათვის აუცილებელი მონაცემებით/ინფორმაციით, მათ შორის მიაწოდოს მზღვეველს ინფორმაცია აღნიშნულ მონაცემებში/ინფორმაციაში ცვლილებების შესახებ, ცვლილებების განხორციელებიდან არაუგვიანეს სამი სამუშაო დღისა, წინააღმდეგ შემთხვევაში მზღვეველი უფლებამოსილია არ აანაზღაუროს ზიანი, რომელიც გამოწვეულია მზღვეველისათვის შეუტყობინებელი გარემოებების შედეგად;

შეინარჩუნოს დაზღვეული ავტომოტორტრანსპორტი ტექნიკურად გამართულ მდგომარეობაში;

უზრუნველყოს, რომ უფლებამოსილ მძღოლს ჰქონდეს ძალაში მყოფი ავტომოტორტრანსპორტის შესაბამისი კატეგორიის მართვის მოწმობა;

ექსპლუატაციაში ჰქონდეს ავტომოტორტრანსპორტის გასაღების და მართვის პულტის ერთი პირი, ხოლო ყველა დანარჩენი, რომელიც მითითებულია დაზღვევის განაცხად-ანექტაში, შეინახოს დაცულ ადგილას;

ქურდობის შემთხვევაში მიაწოდოს მზღვეველს დაზღვევის ობიექტის სარეგისტრაციო მოწმობა, სიგნალიზაციის მართვის ყველა პულტი და ყველა არსებული გასაღები;

მოწმობების არსებობის შემთხვევაში ჩაიწეროს მათი სახელები, გვარები, მისამართები, პირადობის მოწმობის ნომრები და აგრეთვე საგზაო-სატრანსპორტო შემთხვევაში მონაწილე ავტომოტორტრანსპორტის სარეგისტრაციო ნომრები;

შემთხვევის დადგომისას განუხრელად შეასრულოს მზღვეველის მითითებანი, შემთხვევის ადგილზე მზღვეველის წარმომადგენლის მისვლამდე შეინარჩუნოს ავტომოტორტრანსპორტი არსებულ მდგომარეობაში (გარდა იმ შემთხვევებისა, როდესაც ავტომოტორტრანსპორტის გადაადგილება განხორციელდება შესაბამისი სახელმწიფო ორგანოს წარმომადგენლის მითითების საფუძველზე). ამ პუნქტით განსაზღვრული პირობის დარღვევის შემთხვევაში მზღვეველი უფლებამოსილია არ გასცეს სადაზღვევო ანაზღაურება;

გააცნოს უფლებამოსილ მძღოლებს წინამდებარე დაზღვევის პირობები;

ხელი შეუწყოს მზღვეველს რეგრესის წესით ანაზღაურების უფლების რეალიზაციაში და უზრუნველყოს მზღვეველი ზიანის გამოძვევი პირ(ებ)ის შესახებ სრულყოფილი ინფორმაციით;

ავტომოტორტრანსპორტის სრული ან ნაწლობრივი განადგურების შემთხვევაში, მზღვეველის მიერ სადაზღვევო ანაზღაურების გაცემამდე გადასცეს მზღვეველს საკუთრების უფლება ავტომოტორტრანსპორტზე და/ან მის ნარჩენ ნაწილებზე, ხოლო ავტომოტორტრანსპორტის ქურდობის შემთხვევაში, ანაზღაურების გაცემის შემდეგ, მისი პოვნისას დაუბრუნოს მზღვეველს მიღებული სადაზღვევო ანაზღაურება ან საკუთრებაში გადაცეს ნაპოვნი ავტომოტორტრანსპორტი; ამ პუნქტის საფუძველზე ავტომოტორტრანსპორტის ან მისი ცალკეული ნაწილების მზღვეველზე გადაფორმების ხარჯებს გაიღებს თავად მზღვეველი, თუკი მხარეთა შორის სხვა რამ არ შეთანხმდა;

წინამდებარე პირობების ხელმოწერის ან/და მოქმედების პერიოდში, საინფორმაციო სამსახურის მეშვეობით, დაუყოვნებლივ აცნობოს მზღვეველს და 24 სამუშაო საათის განმავლობაში წერილობით მიაწოდოს ინფორმაცია:

- შემთხვევის დადგომის ან/და მასთან მიახლოებული გარემოებების შესახებ;
- დაზღვევის ობიექტისათვის საფრთხის გაზრდის ან/და მასთან მიახლოებული გარემოებების შესახებ; ამ შემთხვევაში მზღვეველს აქვს უფლება მოითხოვოს პოლისის მოქმედების შეწყვეტა ან/და დამზღვევის მიერ დამატებითი სადაზღვევო პრემიის გადახდა. დამატებით გადახდაზე დამზღვევის მიერ უარის თქმა მზღვეველს უფლებას აძლევს, შეწყვიტოს სადაზღვევო ხელშეკრულება სადაზღვევო პრემიის დაბრუნების გარეშე რისკის გაზრდისთანავე;
- ნებისმიერი არსებითი გარემოების შესახებ, რომელსაც შეუძლია გავლენა იქონიოს მზღვეველის გადაწყვეტილებაზე, უარი თქვას თავის ვალდებულებებზე ან/და მოითხოვოს სადაზღვევო პრემიის გაზრდა ან დამატებითი პირობების დაწესება;
- ორმაგი დაზღვევის შესახებ;
- დაზღვევის ობიექტის გასხვისების ან/და მფლობელის შეცვლის შესახებ;
- სადაზღვევო ინტერესის შეწყვეტის შესახებ ან/და ავტომოტორტრანსპორტის გამოყენების მიზნის შეცვლის შესახებ;
- საკონტაქტო ინფორმაციის ან/და საინფორმაციო უზრუნველყოფისათვის უფლებამოსილი პირის შეცვლის შესახებ;
- უფლებამოსილი მძღოლის შეცვლის ან დამატების შესახებ;

ი) შემთხვევასთან დაკავშირებით შესაბამისი ორგანოდან მიღებული ნებისმიერ ინფორმაცია (გზავნილი, უწყება და სხვა);

დაუყოვნებლივ შეატყობინოს მზღვეველს სადაზღვევო შემთხვევასთან დაკავშირებული ნებისმიერი შესაძლო სარჩელის აღძვრის ან გამოძიების დაწყებისა და გამოძიების პროცესში გამოვლენილი მისთვის ცნობილი გარემოებების თაობაზე;

ყველა საჭირო ზომის მიღებით გაუწიოს მზღვეველს დახმარება სასამართლო და სასამართლოს გარეთ დაცვის განხორციელებაში;

მზღვეველის მოთხოვნისთანავე გადასცეს მას ყველა უფლებამოსილება სასამართლოში სადაზღვევო შემთხვევასთან დაკავშირებული დაცვის განხორციელებლად;

მზღვეველის თანხმობის გარეშე არ ანაზღაუროს და არ აიღოს არანაირი პასუხისმგებლობა სადაზღვევო შემთხვევასთან დაკავშირებით აღძრულ სარჩელთან დაკავშირებით;

მაქსიმალურად შეუწყოს ხელი მზღვეველს, რომ ამ უკანასკნელმა განახორციელოს რეგრესის წესი იმ მესამე პირთა მიმართ, რომელნიც დაზღვეულთან ერთად ან დამოუკიდებლად პასუხისმგებელნი არიან სადაზღვევო შემთხვევაზე;

მიიღოს აუცილებელი ზომები დაზღვევის ობიექტის დაზიანების გამომწვევი მიზეზების აღმოფხვრის, შემდგომი დაზიანების თავიდან აცილების ან/და ზარალის შემცირების მიზნით;

შესაბამის ორგანოებში დაუყოვნებლივ განაცხადოს მისთვის ცნობილი ინფორმაცია დაზღვევის ობიექტის დაზიანებაში ან/და განადგურებაში ბრალეული პირ(ებ)ის შესახებ;

უბედური შემთხვევის დადგომისას დამზღვევი ვალდებულია უზრუნველყოს:

ა) პოლიციისათვის დაუყოვნებლივ შეტყობინება საგზაო შემთხვევის შესახებ და ასეთი შემთხვევის ადგილის დათვალიერების ოქმის მზღვეველისათვის წარდგენა;

ბ) მზღვეველისათვის ყოველგვარი დახმარების აღმოჩენა შემთხვევასთან დაკავშირებული ფაქტობრივი გარემოებებისა და მიზეზების დასადგენად.

დაზღვევის ობიექტის ქურდობის, ძარცვის, დაზიანების ან/და ყაჩაღური თავდასხმის შემთხვევაში, დაუყოვნებლივ შეატყობინოს აღნიშნულის შესახებ მზღვეველს და შესაბამის ორგანოებს;

წარუდგინოს მზღვეველს წერილობითი საპრეტენზიო განაცხადი სადაზღვევო ანაზღაურების მიღების მოთხოვნით. განაცხადში მითითებული უნდა იყოს წარმოშობილი ზარალის ყველა გარემოება და მიზეზი, დაღუპული, დაზიანებული ან/და დაკარგული დაზღვევის ობიექტის ნუსხა, კომპეტენტური ორგანოების დოკუმენტები, რომლებშიც დადასტურებულია სადაზღვევო შემთხვევის დადგომის ფაქტი და მიზეზები, შემთხვევაში მონაწილე პირთა ვინაობა, ზარალის სავარაუდო ოდენობა და დაზიანებული ნაწილების ჩამონათვალი (გულისხმობს პირველადი დათვალიერების საფუძველზე მოპოვებულ ინფორმაციას);

წარუდგინოს მზღვეველს დაზიანებული ან/და განადგურებული დაზღვევის ობიექტი ან/და მისი ნარჩენები შეკეთებამდე ან/და აღდგენამდე, დაზიანების ან/და განადგურების ფაქტის ან/და ხარისხის დასადგენად;

შეატყობინოს დაზღვეულს (მოსარგებლეს), (თუ დამზღვევი და დაზღვეული (მოსარგებლე) სხვადასხვა პირები არიან) თავისი გადაწყვეტილება, დააზღვიოს მისი ქონება დაზღვევის ობიექტის ზუსტი განსაზღვრით და წარუდგინოს მზღვეველს შესაბამისი დოკუმენტაცია;

სადაზღვევო ანაზღაურების მიღების შემდეგ, მიღება – ჩაბარების აქტის საფუძველზე, გადასცეს მზღვეველს დაზიანებული ავტომობილტრანსპორტი (სრული ზარალის შემთხვევაში) ან მისი ცალკეული ნაწილები, ანაზღაურების მიღებიდან არაუგვიანეს სამი სამუშაო დღისა;

სადაზღვევო ანაზღაურების მიღების შემდეგ ავტომობილტრანსპორტის შეკეთების დასრულებიდან არაუგვიანეს ორი სამუშაო დღისა წარუდგინოს ავტომობილტრანსპორტი მზღვეველს დასათვალიერებლად.

დამზღვევი უფლებამოსილია:

მიიღოს სადაზღვევო პოლისი;

სადაზღვევო პოლისის დაკარგვის ან განადგურების შემთხვევაში, მოსთხოვოს მზღვეველს მისი ასლის გაცემა. ასლის გაცემის ხარჯებს გაიღებს დამზღვევი;

მოსარგებლის წერილობითი თანხმობის შემთხვევაში, საკუთარი სახელით ისარგებლოს იმ უფლებებით, რომლებიც, დაზღვევის პირობების თანახმად, ეკუთვნის მოსარგებლეს, მიიღოს სადაზღვევო ანაზღაურება ან გადასცეს ეს უფლება მოსარგებლეს;

მზღვეველთან წერილობითი შეთანხმებით, დაზღვევის ობიექტი განმეორებით დააზღვიოს სხვა მზღვეველთან;

მიიღოს ანაზღაურება შემთხვევის დადგომისას მზღვეველის მითითებების შესრულებით გამოწვეული და მასთან წერილობით შეთანხმებული ხარჯები;

წინამდებარე პირობების გათვალისწინებით მიიღოს ანაზღაურება, რომელიც დაკავშირებულია:

ა. მესამე პირის მიერ აღძრულ სარჩელთან, მესამე პირისადმი მიყენებული ზარალის კომპენსირებისათვის გაწეულ ხარჯებთან, იმ შემთხვევაში თუ ეს მზღვეველთან წინასწარ იყო წერილობით შეთანხმებული;

ბ. მესამე პირის სიცოცხლის ან/და ქონების გადარჩენის მიზნით გაწეულ ხარჯებთან.

მოქმედი კანონმდებლობით გათვალისწინებული წესით გაასაჩივროს მზღვეველის გადაწყვეტილება, რომელიც მას მიაჩნია არასამართლიანად;

დაზღვევის გაფორმებისას დაზღვევის პირობებით გათვალისწინებული წესითა და პირობებით დანიშნოს მოსარგებლე სადაზღვევო ანაზღაურების მისაღებად, რაც ფიქსირდება სადაზღვევო პოლისში.

მოსარგებლე უფლებამოსილია:

მიიღოს სადაზღვევო ანაზღაურება დაზღვევის (გარდა მზღვეველისა) სხვა მონაწილეთა თანხმობის გარეშე;

უარი თქვას მისი კუთვნილი სადაზღვევო ანაზღაურების მიღებაზე. ასეთ შემთხვევაში სადაზღვევო ანაზღაურების მიღების უფლება გადადის დამზღვევზე;

მიიღოს ინფორმაცია სადაზღვევო პოლისის პირობების თაობაზე.

მზღვეველი ვალდებულია:

დამზღვევზე გასცეს დაზღვევის დამადასტურებელი დოკუმენტი;

სადაზღვევო პოლისის, დამზღვევის მიერ დასაბუთებული და მტკიცებულებებით დადასტურებული საპრეტენზიო განაცხადის ან/და მზღვეველის მოთხოვნით ყველა საჭირო დოკუმენტაციის წარდგენიდან 5 (ხუთი) სამუშაო დღის ვადაში მიიღოს გადაწყვეტილება;

გადაწყვეტილების მიღებიდან 5 (ხუთი) სამუშაო დღის ვადაში დამზღვევზე გასცეს სადაზღვევო ანაზღაურება ან მოტივირებული უარი (პატივსაცემი მიზეზების არსებობის შემთხვევაში მზღვეველი უფლებამოსილია, გაზარდოს ამ პუნქტით განსაზღვრული ვადა მაგრამ არაუმეტეს ერთი თვისა);

ქურდობის, ძარცვის ან ყაჩაღობის შედეგად ავტომოტორტრანსპორტის დაკარგვის შემთხვევაში, თუ პოლიციაში განცხადების შეტანიდან ორი თვის განმავლობაში ავტომოტორტრანსპორტი ვერ იქნა მოძიებული, გასცეს შესაბამისი სადაზღვევო ანაზღაურება. თუ ამ ორი თვის განმავლობაში ავტომოტორტრანსპორტი ნაპოვნი იქნება დაზიანებულ მდგომარეობაში, ანაზღაურება გადაიხდება ფაქტიური ზიანისთვის, ამ პირობებით გათვალისწინებული წესით;

აანაზღაუროს სადაზღვევო შემთხვევის დადგომისას მისი წერილობითი მითითებების შესრულებით გამოწვეული და მასთან წერილობით შეთანხმებული ხარჯები;

ხელშეკრულების დადების ან/და მოქმედების პერიოდში დაუყოვნებლივ აცნობოს დამზღვევს საკონტაქტო ინფორმაციის შეცვლის შესახებ.

ხუთ წლამდე ასაკის ავტომოტორტრანსპორტის შეკეთების ხარჯების ანგარიშსწორება, რომლებიც სარგებლობენ სპეციალიზირებული სერვის ცენტრის საგარანტიო მომსახურებით, უზრუნველყოს შესაბამის სერვის ცენტრში, თუკი ავტომოტორტრანსპორტის სხვა სერვის ცენტრში შეკეთება გამოიწვევს საგარანტიო მომსახურების გაუქმებას. თუკი დამზღვევი და მზღვეველი სხვა რამეზე არ შეთანხმდნენ.

მზღვეველი უფლებამოსილია:

სადაზღვევო პოლისის გაფორმებამდე მოახდინოს დაზღვევის ობიექტის დათვალიერება რისკის შეფასების მიზნით;

მონაწილეობა მიიღოს სადაზღვევო შემთხვევის მიზეზების დადგენასა და ზარალის სიდიდის შეფასებაში, მოსთხოვოს ხელშეწყობა დამზღვევს ან დაზღვეულს;

მზღვეველს ან/და მის მიერ უფლებამოსილ ნებისმიერ პირს უფლება აქვს დაათვალიეროს ან/და აღწეროს დაზღვევის ობიექტი დაზღვევის ნებისმიერ სტადიაზე;

დამზღვევის მიერ სადაზღვევო პრემიის სადაზღვევო პოლისში მითითებული წესითა და ოდენობით გადახდის დაყოვნების ან/და გადაუხდელობის შემთხვევაში, შეაჩეროს სადაზღვევო პოლისის მოქმედება სადაზღვევო პრემიის გადახდამდე;

სადაზღვევო ანაზღაურება გასცეს დაზღვევის სერტიფიკატის, დამზღვევის მიერ დასაბუთებული და მტკიცებულებებით დადასტურებული საპრეტენზიო განაცხადის ან/და მზღვეველის მოთხოვნით საჭირო დოკუმენტაციის სრულად წარდგენის საფუძველზე, სადაზღვევო შემთხვევის დადგენისა და ანაზღაურების ოდენობის განსაზღვრის შემდეგ;

მიიღოს დამზღვევისაგან (დაზღვეულისაგან) საჭირო დოკუმენტაცია ან/და ინფორმაცია სადაზღვევო შემთხვევის ან/და სადაზღვევო ანაზღაურების ოდენობის დასადგენად;

გამოიყენოს რეგრესის წესი და მოსთხოვოს ანაზღაურება გაცემული თანხის ფარგლებში, თუ დამზღვევის, დაზღვეულის ან/და მოსარგებლისათვის ზიანის ანაზღაურების ან/და ინფორმაციის მოკვლევის სტადიაზე გაირკვა, რომ სადაზღვევო შემთხვევა გამოწვეული იყო მესამე პირის ქმედებით;

მესამე პირის წინაშე დაზღვეულის პასუხისმგებლობის დაზღვევის შემთხვევაში დაზღვეულის სახელით წარმართოს პროცესი სასამართლოში; გააკეთოს განცხადება მესამე პირის მიერ სადაზღვევო შემთხვევის გამო წამოყენებულ სარჩელთან დაკავშირებით;

მოითხოვოს დამზღვევისაგან საკუთრების უფლების გადაცემა სადაზღვევო შემთხვევის შედეგად მზღვეველის მიერ შეცვლილ ავტორტრანსპორტის ნაწილებზე, სრული განადგურების შემთხვევაში, განადგურებულ ავტომოტორტრანსპორტზე, ხოლო ავტომოტორტრანსპორტის ქურდობისას (გატაცებისას) სადაზღვევო ანაზღაურების გაცემის შემდეგ პოვნის შემთხვევაში, საკუთრების უფლების გადაცემა ნაპოვნი ავტომოტორტრანსპორტზე ან გაცემული სადაზღვევო ანაზღაურების დაბრუნება. განადგურებულ ავტომოტორტრანსპორტზე საკუთრების უფლება მზღვეველიდან დამზღვევზე გადადის განადგურების ფაქტის ოფიციალურად დადასტურების შემთხვევაში. აღნიშნულის დადასტურების პროცედურა არ იწვევს სადაზღვევო ანაზღაურების გაცემის პროცედურის შეჩერებას;

მოსთხოვოს დამზღვევს იმ უფლებამოსილი მძღოლის სიიდან ამოღება, რომლის მართლსაწინააღმდეგო ქმედების შედეგად, მიმდინარე სადაზღვევო პერიოდში, დაზღვეულ ავტომოტორტრანსპორტს ორჯერ ან მეტჯერ მიაღდა ზიანი. ამ პუნქტით განსაზღვრული უფლების გამოყენება მზღვეველს შეუძლია იმ შემთხვევაშიც თუკი

დაზღვეული ავტოტრანსპორტი უფლებამოსილი მძღოლის მართლსაწინააღმდეგო ქმედების შედეგად სრულად განადგურდა. დამზღვევის მიერ მზღვეველის მოთხოვნის შეუსრულებლობის შემთხვევაში, მზღვეველი უფლებამოსილია შეწყვიტოს პოლისის მოქმედება ან გაზარდოს სადაზღვევო ტარიფი.

სადაზღვევო ანაზღაურების, სადაზღვევო პრემიის ან/და სხვა ხარჯების ანაზღაურების გარეშე შეწყვიტოს ან/და მოშალოს სადაზღვევო პოლისი თუ დამზღვევმა არსებითად დაარღვია წინამდებარე პირობების გათვალისწინებული ვალდებულებანი ან/და დადგენილი წესით მზღვეველს არ აცნობა:

- ა) სადაზღვევო შემთხვევის დადგომის ან/და მასთან მიახლოებული გარემოებების შესახებ ან/და სადაზღვევო პრემიის გადახდის წესების დარღვევის შემთხვევაში;
- ბ) დაზღვევის ობიექტისათვის საფრთხის გაზრდის ან/და მასთან მიახლოებული გარემოებების შესახებ ან/და არასწორი მონაცემების მიწოდების შემთხვევაში (ინფორმაცია); ასეთ შემთხვევაში მზღვეველს აქვს უფლება მოითხოვოს პოლისის მოქმედების შეწყვეტა ან/და დამზღვევის მიერ დამატებითი სადაზღვევო პრემიის გადახდა. დამატებით გადახდაზე დამზღვევის მიერ უარის თქმა მზღვეველს უფლებას აძლევს შეწყვიტოს სადაზღვევო ხელშეკრულება სადაზღვევო პრემიის დაბრუნების გარეშე რისკის გაზრდისთანავე;
- გ) ნებისმიერი არსებითი გარემოების შესახებ, რომელსაც შეუძლია გავლენა იქონიოს მზღვეველის გადაწყვეტილებაზე, უარი თქვას თავის ვალდებულებებზე ან/და მოითხოვოს სადაზღვევო პრემიის გაზრდა ან დამატებითი პირობების დაწესება ან/და დამზღვევის მიერ განზრახ ან/და უხეში გაუფრთხილებლობით სადაზღვევო შემთხვევის დადგენის შემთხვევაში;
- დ) ორმაგი დაზღვევის შესახებ;
- ე) დაზღვევის ობიექტის გასხვისების ან/და მფლობელის შეცვლის შესახებ;
- ვ) სადაზღვევო ინტერესის შეწყვეტის შესახებ ან/და ავტომოტოტრანსპორტის გამოყენების მიზნის შეცვლის შესახებ;
- ზ) დაზღვევის ობიექტის 30 (ოცდაათი) დღეზე მეტი ხნით მიტოვების შესახებ
- თ) საკონტაქტო ინფორმაციის ან/და საინფორმაციო უზრუნველყოფისათვის უფლებამოსილი პირის შეცვლის შესახებ;
- ი) უფლებამოსილი მძღოლის შეცვლის ან დამატების შესახებ.

არ გასცეს სადაზღვევო ანაზღაურება თუკი დამზღვევის (დაზღვეული, მოსარგებლე) მიერ არ იქნება წარმოდგენილი შემთხვევასთან დაკავშირებული, წინამდებარე ხელშეკრულება/პირობებით გათვალისწინებული ან მზღვეველის მიერ, გონიერულ ფარგლებში დამატებით მოთხოვნილი, ყველა აუცილებელი დოკუმენტი;

გაუგზავნოს დამზღვევს/დაზღვეულს შეტყობინება სადაზღვევო პრემიის არსებული დავალიანების შესახებ და განუსაზღვროს ვადა, რომლის უშედეგოდ გასვლის შემდეგ, მზღვეველი უფლებამოსილია ცალმხრივად შეწყვიტოს წინამდებარე ხელშეკრულება და გააუქმოს მის საფუძველზე გაცემული სადაზღვევო პოლისი. მზღვეველის მიერ შეტყობინების გაკეთება შესაძლებელია, როგორც საფოსტო გზავნილის, ასევე ელ.ფოსტისა და მოკლე ტექსტური შეტყობინების საშუალებით.

გამონაკლისი შემთხვევები

მზღვეველი არ აანაზღაურებს:

ზარალს, რომელიც გამოწვეულია სადაზღვევო შემთხვევის დადგომამდე არსებული დაზიანებით;

ზარალს, რომელიც წარმოიშობა დაზიანებით არა საავტომობილო გზაზე, გარდა იმ შემთხვევისა, როდესაც არასაავტომობილო გზის გამოყენება საჭიროა დამზღვევის ან/და უფლებამოსილი მძღოლის მიერ სამსახურებრივი მოვალეობის შესრულებისთვის;

ზარალს, რომელიც განიცადა დამზღვევმა იმის გამო, რომ არ იყო შესაძლებელი დაზღვეული ავტომოტოტრანსპორტის გამოყენება (სხვა ავტომოტოტრანსპორტის დაქირავების ღირებულების ჩათვლით);

ზარალს, გამოწვეულს ამორტიზაციით, ცვეთით, ჟანგით, კოროზიით.

მექანიზმებისა და ელექტრომოწყობილობების გაფუჭებით, მწყობრიდან გამოსვლით, გატეხვით გამოწვეულ ხარჯებს; ძრავის, სიჩქარეების გადაცემათა კოლოფის ნებისმიერ დაზიანებას, გარდა პირდაპირი მექანიკური დაზიანების შემთხვევებისა;

საბურავის დაზიანების ხარჯს, რომელიც გამოწვეულია უხარისხო გზებით, გასკდომით, გაჭრით, ტექნიკური გაუმართაობით, გახეთქვით ან გახევით;

ისეთი შეკეთების ხარჯებს, რომელიც მიზნად ისახავს ავტომოტოტრანსპორტის მდგომარეობის გაუმჯობესებას სადაზღვევო შემთხვევამდე მის მდგომარეობასთან შედარებით;

ზარალს, გამოწვეულს ავტომოტოტრანსპორტის საბაზრო ღირებულების ნებისმიერი შემცირებით, რომელიც მოჰყვა მის შეკეთებას;

ზარალს, რომელიც გამოწვეულია დაზღვეული ავტომოტოტრანსპორტის რაღიში, რბოლაში, გამძლეობაზე ან ნებისმიერ სხვა შეჯიბრში ან ტესტირებაში მონაწილეობით;

ზარალს და დაზიანებას, რომელიც გამოწვეულია დაზღვეული ავტომოტოტრანსპორტის გადატვირთვით, ტექნიკური გაუმართაობით, არასაგზაო პირობებში ექსპლუატაციით, უფლებამოსილი მძღოლის მიერ უხეში გაუფრთხილებლობით და/ან საგზაო მოძრაობის წესების დარღვევით; წინამდებარე პუნქტის მიზნებისათვის იმ საგზაო მოძრაობის წესების დარღვევად მიიჩნევა და შესაბამისად მზღვეველი თავისუფლდება სადაზღვევო ანაზღაურების გაცემის ვალდებულებისგან თუკი შემთხვევა დადგა:

ა) უფლებამოსილი მძღოლის მიერ ავტოსატრანსპორტო საშუალების მართვისას დაშვებულ ზღვრულ სიჩქარეზე 20 და მეტი კმ/სთ-ით გადაჭარბებისას;

ბ) უფლებამოსილი მძღოლის მიერ შექნიშნის ამკრძალავი და გამაფრთხილებელი ნიშნის დაუმორჩილებლობისას;

გ) უფლებამოსილი მძღოლის მიერ საპირისპირო მიმართულებით მობრუნების ან ცენტრალური გზიდან გადახვევის მიზნით, ორმაგი და უწყვეტი ღერძულა ხაზის გადაკვეთის წესების დარღვევისას;

დ) უფლებამოსილი მძღოლის მიერ ცალმხრივი მოძრაობისათვის განკუთვნილ ზოლში საპირისპირო მიმართულებით მოძრაობისას.

ნებისმიერი სახის ზარალს ან დაზიანებას, რომელიც წარმოიშვა იმ შემთხვევებში, როცა:

ა) დაზღვეულ ავტომობილს მართავდა ნებისმიერი პიროვნება, უფლებამოსილი მძღოლის გარდა;

ბ) ავტომობილს მართავდა პოლისში და/ან განაცხადში მითითებულისგან განსხვავებული დანიშნულებით;

გ) უფლებამოსილი მძღოლი მართავდა ავტომობილს ალკოჰოლური, ნარკოტიკული ან ფსიქოტროპული ნივთიერების სიმთვრალის მდგომარეობაში.

დ) იონიზირებული რადიაციით, რადიოაქტიური დაბინძურებით, ნებისმიერი სახის რადიოაქტიური გამოსხივების მქონე ბირთვული საწვავით ან რადიოაქტიური წვის შედეგად მიღებული ნარჩენებით გამოწვეულ ზარალს;

ე) რადიოაქტიური, მომწამლავი, ფეთქებადი ან სხვა საშიში ნაერთების ტრანსპორტირებით, ბირთვული კომპონენტებით გამოწვეულ ზარალს;

ვ) საომარი მოქმედებით (მიუხედავად ომის გამოცხადებისა თუ გამოუცხადებლობისა), სამოქალაქო ომით, რევოლუციით, სამხედრო ან უზურპატორული ძალაუფლების გამოყენებით, აჯანყებით, გაფიცვით ან სამოქალაქო არეულობით გამოწვეულ ზარალს;

ზ) ზიანს, რომელზეც დამზღვევი საკუთარ ვალდებულებას მესამე პირის წინაშე აღიარებს მზღვეველის წერილობითი თანხმობის გარეშე;

თ) ზიანს, რომლის დადგომის დროს დამზღვევის მიერ დარღვეულია სადაზღვევო პრემიის გადახდის პირობები;

ი) ავტომობილს მართავდა მისი ტვირთის სახით გადატანისას, გარდა იმ შემთხვევებისა, როცა გადატანა ხდება ევაკუაციით, შემთხვევის შემდეგ, მზღვეველის მითითების საფუძველზე;

კ) ზარალს ან ზიანს, რომელიც წარმოიშვა დაზღვეული ავტომობილის აეროდრომზე, აეროდრომში ან აეროდრომის მინდვრის იმ მონაკვეთზე ყოფნისას, რომელიც გამოიყენება:

ლ) თვითმფრინავების ასაფრენ-დასაფრენად და გადასადგილებლად;

მ) თვითმფრინავების სადგომად, მომსახურებისათვის განკუთვნილ გზად ან აეროპორტში საბაჟო შემოწმებისათვის.

ნ) დაზღვეული ავტომობილის მიმდინარე და საგარანტიო შეკეთების ხარჯებზე.

ო) ზარალს, რომელიც წარმოიშვა დაზღვევის ტერიტორიის ფარგლებს გარეთ.

პ) ზარალს, რომელსაც ადგილი ჰქონდა წინასწარგანზრახული სამართალდარღვევის ჩადენისას ან/და მისი ჩადენის მცდელობისას.

ჟ) ზარალს, რომელსაც ადგილი ჰქონდა თვითმკვლელობის, თვითდასახიჩრების ან/და ამგვარი მოქმედების ჩადენისას ან/და ამის მცდელობისას.

რ) ავტომობილის გამოყენება სამხედრო მიზნებისათვის.

იმ შემთხვევაში, თუ დაზღვეული განზრახ მოახდენს ინფორმაციის გაყალბებას, რაიმე სარგებელის მიღების მიზნით, მზღვეველს აქვს უფლება არ გასცეს სადაზღვევო ანაზღაურება.

დაზღვევის მოქმედების ვადა

დაზღვევის მოქმედების ვადა განისაზღვრება ხელშეკრულებით, რაც აისახება სადაზღვევო პოლისში.

სადაზღვევო პოლისი ძალაში ხელშეკრულების ძალაში შესვლის მომენტიდან.

დაზღვევის მოქმედება იწყება პოლისის გაცემის დღის 24:00 საათიდან და მთავრდება პოლისში მითითებული დაზღვევის დასრულების დღის 24:00 საათზე.

დაზღვევა შეწყდება:

მხარეთა ორმხრივი შეთანხმებით ნებისმიერ დროს;

ხელშეკრულებით დადგენილი ვადის გასვლის შედეგად;

სადაზღვევო თანხის ამოწურვის შედეგად;

სადაზღვევო ინტერესის შეწყვეტის შემთხვევაში;

თუ დაზღვეულმა ობიექტმა შეწყვიტა თავისი არსებობა სადაზღვევო შემთხვევისაგან განსხვავებული მიზეზით;

დამზღვევის ინიციატივით ხელშეკრულების შეწყვეტის შემთხვევაში იგი ვალდებულია შეწყვეტის სავარაუდო თარიღამდე ერთი თვით ადრე წარუდგინოს განცხადება მზღვეველს; ასეთ შემთხვევაში გადასახდელი სადაზღვევო პრემიის ანგარიშსწორება მოხდება დაზღვევის ძალაში ყოფნის პერიოდის შესაბამისად (გამომუშავებული სადაზღვევო პრემია), სადაც არასრული თვე ჩაითვლება სრულად;

იმ შემთხვევაში, თუ პოლისი გაიცა ერთი წლის ვადით და დამზღვევის ინიციატივით შეწყდა ვადადღე, სადაზღვევო პრემია ყოველ თვეზე გადაიანგარიშება წლიური პრემიის 1/8 ოდენობით, ამასთან, ერთ წლამდე პერიოდით გაცემულ პოლისებზე სადაზღვევო პრემია არ შეიძლება აღემატებოდეს წლიურ პრემიას.

სადაზღვევო პრემია. ანგარიშსწორების წესი

სადაზღვევო პრემია არის ხელშეკრულებაში, რაც ასახულია სადაზღვევო პოლისში, მითითებული დამზღვევის მიერ შეთანხმებული გრაფიკით უნაღლო ანგარიშსწორების წესით გადასახდელი სადაზღვევო შესატანი (პრემია);

სადაზღვევო პრემიის ოდენობა დგინდება ხელშეკრულებით;

სადაზღვევო პრემიის ან/და მისი ნაწილის დროულად და დადგენილი ოდენობით გადახდის ვალდებულება ეკისრება დამზღვევს;

სადაზღვევო პრემია არ შეიძლება გაიზარდოს სადაზღვევო პერიოდის განმავლობაში სხვა უფლებამოსილი მძღოლ(ებ)ის დამატების გამო;

დამზღვევის მიერ სადაზღვევო პრემიის ან მისი ნაწილის გადახდა ხორციელდება ხელშეკრულებით განსაზღვრული წესით.

სადაზღვევო პოლისით გათვალისწინებული პირველი ან ერთჯერადი სადაზღვევო პრემიის დამზღვევის მიერ, დადგენილი წესით, გადახდამდე მზღვეველი არ არის თავისუფალი წინამდებარე ხელშეკრულებით ნაკისრი ვალდებულებების შესრულებისაგან;

პრემიის განვადებით გადახდის შემთხვევაში, სადაზღვევო შემთხვევის შედეგად ავტოტრანსპორტის სრული განადგურებისას გასაცემ სადაზღვევო ანაზღაურებას აკლდება ის თანხა, რომელიც დამზღვევს განვადების პირობების მიხედვით, დარჩენილ პერიოდში აქვს გადასახდელი. ხოლო ნაწილობრივი დაზიანების შემთხვევაში სადაზღვევო პრემიის არსებული დავალიანება (ასეთის არსებობის შემთხვევაში). ამ პუნქტის საფუძველზე ჩათვლილი თანხები ჩაითვლება გადახდილი სადაზღვევო პრემიის ოდენობაში;

„დამზღვევის“ მიერ სადაზღვევო პრემიის გადახდის წესის დარღვევის შემთხვევაში „მზღვეველი“ უფლებამოსილია შეაჩეროს სადაზღვევო მომსახურება „დამზღვევის“ მიერ ფინანსური ვალდებულებების სრულად შესრულებამდე. ამასთან, დავალიანების დაფარვის შემდეგ თუკი დავალიანების წარმოშობის დღისა და დაფარვას შორის პერიოდი აღემატება 30 (ოცდაათი) კალენდარულ დღეს, „მზღვეველი“ დავალიანების პერიოდში დამდგარ შემთხვევებს აღარ განიხილავს სადაზღვევო შემთხვევებად და შესაბამისად უფლებამოსილია არ გასცეს სადაზღვევო ანაზღაურება;

პირველი ან ერთჯერადი სადაზღვევო პრემიის გადახდის მნიშვნელოვანი დაყოვნების შემთხვევაში, მას უფლება აქვს შეწყვიტოს დაზღვევა პრემიის, ან/და მისი ნაწილის დაბრუნების ან/და რაიმე კომპენსაციის გადახდის გარეშე.

სადაზღვევო პრემიის ერთჯერადად ანგარიშსწორებისას თუკი დაზღვევის მოქმედება წყდება ვალდებულ, მზღვეველი იღებს ვალდებულებას, დაუბრუნოს დამზღვევს გამოუმუშავებელი სადაზღვევო პრემია, გარდა იმ შემთხვევებისა, როდესაც კონკრეტული სადაზღვევო პოლისის ფარგლებში, რომლის გაუქმებაც ხდება ვალდებულად, განვლილი სადაზღვევო პერიოდის განმავლობაში გაცემულია სადაზღვევო ანაზღაურება.

სადაზღვევო ანაზღაურება

სადაზღვევო ანაზღაურება გაიცემა აღნიშნული პირობებით დადგენილი წესით მხოლოდ მოსარგებლეზე (დამზღვევზე, დაზღვეულზე) ან/და მის მიერ სპეციალურად ამისათვის უფლებამოსილ პირზე;

სადაზღვევო ანაზღაურების გაცემა ხდება სადაზღვევო პოლისის, დამზღვევის მიერ დასაბუთებული და მტკიცებულებით დადასტურებული საპრეტენზიო განაცხადის, წინამდებარე ხელშეკრულებით განსაზღვრული და მზღვეველის მიერ, გონივრულ ფარგლებში, დამატებით მოთხოვნილი დოკუმენტაციის წარდგენის საფუძველზე, სადაზღვევო შემთხვევის დადგენისა, გადაწყვეტილების მიღებისა და სადაზღვევო ანაზღაურების ოდენობის განსაზღვრის შემდეგ;

მზღვეველი უფლებამოსილია, სადაზღვევო ანაზღაურების გაცემის მიზნით, შესაბამისი კვალიფიკაციის მქონე პირის მეშვეობით ჩაატაროს ექსპერტიზა, ანაზღაურების მომენტისათვის დაზღვევის ობიექტის ან მისი ცალკეული ნაწილის რეალური საბაზრო ღირებულების დადგენისა და შესაბამისად სადაზღვევო ანაზღაურების ოდენობის განსაზღვრის მიზნით. თუკი წინამდებარე პუნქტით შესაბამისად დადგენილი დაზღვევის ობიექტის საბაზრო ღირებულება ნაკლებია სადაზღვევო პოლისში მითითებულ სადაზღვევო თანხაზე, დაზღვევის პირობებით / პოლისით დადგენილი ფრანშიზა აკლდება ექსპერტიზის შედეგად დადგენილ საბაზრო ღირებულებას;

შემთხვევის დადგომისას დამზღვევის (დაზღვეული, მოსარგებლე) მიერ სავალდებულოდ წარმოსადგენია დოკუმენტაცია, რომლის საფუძველზეც მზღვეველი ახორციელებს შემთხვევის სადაზღვევო შემთხვევად ცნობას, კერძოდ:

ა) განაცხადი შემთხვევის შესახებ, მასში მოთხოვნილი ყველა ინფორმაციის მითითებით;

ბ) მზღვეველის მოთხოვნის შემთხვევაში სადაზღვევო პოლისის ორიგინალი;

შესაბამისი სახელმწიფო ორგანოს მიერ მიერ გაცემული ოფიციალური დოკუმენტი შემთხვევის შესახებ. ავტოსაგზაო შემთხვევისას – ადმინისტრაციული სამართალდარღვევის ოქმი, ავტოსაგზაო შემთხვევის სქემა, ავტოსაგზაო შემთხვევაში მონაწილე პირთა ახსნა-განმარტებები, გამოძიების დაწყების შემთხვევაში ცნობა სისხლის სამართლის საქმის აღძვრის შესახებ, მოწმეთა და ბრალდებულთა დაკითხვის ოქმები და შესაბამისი ექსპერტიზის დასკვნები (ექსპერტიზის ჩატარების შემთხვევაში), გამოძიების შემჯამებელი დოკუმენტი (დადგენილება გამოძიების შეწყვეტის შესახებ ან პირის ბრალდებულად ცნობის შესახებ) და ინფორმაცია ყველა მნიშვნელოვანი გარემოების შესახებ;

გ) ავტომოტოტრანსპორტის სარეგისტრაციო მოწმობა;

დ) მძღოლის, რომელიც შემთხვევის დროს მართავდა ავტომოტოტრანსპორტის საშუალებას, მართვის მოწმობა;

ე) მძღოლის სიფხიზლის ცნობა (გაცემული არაუგვიანეს შემთხვევის დადგომიდან 2 საათისა) იმ შემთხვევაში თუკი შემთხვევის ადგილზე არ შედგა ადმინისტრაციული სამართალდარღვევათა ოქმი ან ადმინისტრაციული სამართალდარღვევის ოქმით ბრალეული მძღოლი არ დაეთანხმა საპატრულო პოლიციის მიერ ჩატარებულ ტესტს;

ვ) მოსარგებლის პირადობის მოწმობის ასლი (ასეთის არსებობის შემთხვევაში);

ზ) დაზღვეული ავტომოტოტრანსპორტის ქურდობის შემთხვევაში განაცხადში მითითებული ყველა გასაღები და სიგალიზაციის პულტი (ასეთის არსებობის შემთხვევაში);

თ) მზღვეველის მიერ, გონივრულ ფარგლებში, მოთხოვნილი დამატებითი დოკუმენტაცია.

მზღვეველი უფლებამოსილია, უარი თქვას სადაზღვევო ანაზღაურების გაცემაზე თუკი წარმოდგენილი არ იქნება წინამდებარე ხელშეკრულება/პირობებით განსაზღვრული და/ან მზღვეველის მიერ, გონივრულ ფარგლებში, დამატებით მოთხოვნილი შემთხვევასთან დაკავშირებული ყველა აუცილებელი დოკუმენტი;

მოთხოვნილი დოკუმენტაცია მზღვეველთან წარდგენილ უნდა იქნეს სადაზღვევო შემთხვევის დადგომიდან არა უგვიანეს 30 (ოცდაათი) კალენდარული დღისა, წინააღმდეგ შემთხვევაში მზღვეველი უფლებამოსილია არ გასცეს სადაზღვევო ანაზღაურება (გარდა იმ შემთხვევებისა, როდესაც ყველა აუცილებელი დოკუმენტის წარმოდგენა შეუძლებელია შესაბამის ორგანოში მიმდინარე გამოძიების გამო);

მზღვეველი უფლებამოსილია, საკუთარი კომპეტენციის ფარგლებში, წინამდებარე პირობებით მოთხოვნილი დოკუმენტაციის მოკვლევა-მოძიებაში ხელი შეუწყოს დამზღვევს;

მზღვეველი იღებს ვალდებულებას, მიიღოს გადაწყვეტილება სადაზღვევო ანაზღაურების გაცემაზე ყველა აუცილებელი დოკუმენტის მიღებიდან 5 (ხუთი) სამუშაო დღის ვადაში და დაიწყოს ანაზღაურების პროცედურა.

სადაზღვევო შემთხვევის დადგომისას მზღვეველის წერილობითი მითითებების შესრულებით გამოწვეული ხარჯების ანაზღაურება ხორციელდება სადაზღვევო ანაზღაურების გაცემასთან ერთად;

ქურდობის, ძარცვის ან/და ყაჩაღობის შემთხვევაში, სადაზღვევო ანაზღაურება გაიცემა მხოლოდ ავტომოტოტრანსპორტის მთლიანი და არა მისი ნაწილების დაკარგვის შემთხვევაში, თუკი ნაწილობრივ ქურდობისაგან დაზღვევას არ ითვალისწინებს შესაბამისი სადაზღვევო პოლისი;

ნაწილობრივი ზარალის შემთხვევაში, მზღვეველი აანაზღაურებს სათადარიგო ნაწილების საბაზრო ფასს და შეკეთების ხარჯს, ისე, რომ ასეთ შეკეთებას არ მოჰყვას ავტომოტოტრანსპორტის მდგომარეობის გაუმჯობესება სადაზღვევო შემთხვევამდე მის მდგომარეობასთან შედარებით;

სრული ზარალის შემთხვევაში, მზღვეველი გასცემს სადაზღვევო ანაზღაურებას სადაზღვევო თანხის სრული ოდენობით ფრანშიზისა და უკვე ანაზღაურებული თანხების (თუ ასეთი არსებობს) გამოკვეთით. ასეთ შემთხვევაში საკუთრების უფლება დაზღვევის ობიექტზე გადადის მზღვეველზე;

ავტომოტოტრანსპორტის 60%-ზე მეტი დაზიანება ანიჭებს მზღვეველს უფლებას ცნოს სრული ზარალის არსებობა;

დამზღვევი წარუდგენს მზღვეველს კომპეტენტური სახელმწიფო ორგანოების მიერ (სახანძრო სამსახურის, პოლიციის და ა.შ.) სადაზღვევო შემთხვევის მიზეზებისა და გარემოებების თაობაზე შედგენილ აქტს ან/და სხვა ოფიციალურ დოკუმენტს;

საჭიროების შემთხვევაში, მზღვეველი მოიძიებს ცნობებს იმ სამართალდამცავ ორგანოებსა და სხვა ორგანიზაციებში, რომლებსაც გააჩნიათ ინფორმაცია შემთხვევის გარემოებების თაობაზე; მას აგრეთვე უფლება აქვს თვითონ გამოიკვლიოს შემთხვევის დადგომის მიზეზები და გარემოებები;

ერთ-ერთი მხარის მოთხოვნით და მისი ხარჯით ზარალის ოდენობის დადგენა შეიძლება განხორციელდეს დამოუკიდებელი ექსპერტიზის მეშვეობით;

გაანგარიშებაში ჩაითვლება მხოლოდ სადაზღვევო შემთხვევით გამოწვეული ხარჯები. ამასთან, დაზღვევის ობიექტის დაზიანებული ნაწილების დეტალებისა და მოწყობილობების შეცვლის ღირებულება ჩაითვლება მხოლოდ იმ პირობით, რომ ისინი შეკეთების გზით ვერ მოიყვანება შემდგომი გამოყენებისათვის ვარგის და ექსპლუატაციისათვის უსაფრთხო მდგომარეობაში;

დაზღვევის ობიექტის აღდგენის დანახარჯებში ჩაითვლება:

ა) აღსადგენად აუცილებელი მასალებისა და სათადარიგო ნაწილების შესაძენი ხარჯები, გამომდინარე მათი ღირებულებიდან სადაზღვევო პოლისის გაცემის მომენტისათვის;

ბ) აღსადგენად გაწეული სამუშაოების ანაზღაურების ხარჯები;

ჯამური სადაზღვევო ანაზღაურება ყველა სადაზღვევო შემთხვევაზე გადაიხდება მოცემული დაზღვევის ობიექტისათვის პოლისით დადგენილი სადაზღვევო თანხის ფარგლებში;

თუ სადაზღვევო თანხა ნაკლებია დაზღვევის ობიექტის რეალურ საბაზრო ღირებულებაზე, სადაზღვევო შემთხვევის დადგომისას ზარალის თანხა ანაზღაურდება იმ პროპორციით, რა პროპორციასაც შეადგენს სადაზღვევო თანხა დაზღვევის ობიექტის რეალურ საბაზრო ღირებულებასთან;

სადაზღვევო ანაზღაურების გადახდა ხდება მზღვეველის გადაწყვეტილებით:

ა) ნაღდი ანგარიშსწორებით – მზღვეველის წარმომადგენლობაში;

ბ) უნაღდო ანგარიშსწორებით – მოსარგებლის (დამზღვევის, დაზღვეულის) მიერ წერილობით მითითებულ ანგარიშზე გადარიცხვით;

სადაზღვევო ანაზღაურების გადახდის შემდეგ სადაზღვევო თანხა მცირდება სადაზღვევო შემთხვევის დადგომის დღიდან გადახდილი ანაზღაურების მოცულობით;

სადაზღვევო შემთხვევით გამოწვეული ზარალის ლიკვიდაციისა და დაზღვევის ობიექტის აღდგენის (შეკეთების) შემდეგ დამზღვევი მოვალეა წარუდგინოს დაზღვევის ობიექტი მზღვეველს. წინააღმდეგ შემთხვევაში მზღვეველს მისი განმეორებით დაზიანებისათვის პასუხისმგებლობა არ ეკისრება;

თუ სადაზღვევო შემთხვევით გამოწვეული დაზღვევის ობიექტის აღდგენა (შეკეთება) მოხდა მზღვეველთან შეთანხმების გარეშე ისე, რომ დაზიანების ხარისხის ან/და ღირებულების დადგენა შეუძლებელია, მზღვეველი თავისუფალია ანაზღაურების ვალდებულებისგან; ამასთან, დამზღვევი მოვალეა წარუდგინოს დაზღვევის ობიექტი მზღვეველს. წინააღმდეგ შემთხვევაში მზღვეველს მისი განმეორებითი დაზიანებისათვის პასუხისმგებლობა არ ეკისრება;

თუ დამზღვევს სადაზღვევო ანაზღაურების მიღების შემდეგ დაუბრუნდა გატაცებული ქონება ან აუნაზღაურდა ზარალი ამ ზარალისათვის პასუხისმგებელი პირის მიერ, იგი მოვალეა დაუბრუნოს მზღვეველს მიღებული სადაზღვევო ანაზღაურება, დაზღვევის ობიექტის აღდგენაზე (შეკეთებაზე) გაწეული ხარჯების გამოკლებით. იმ შემთხვევაში, თუ დაბრუნებული დაზღვევის ობიექტი დაზიანებული იქნება, ან/და დამზღვევის გადაწყვეტილების შესაბამისად გადასცეს მას სადაზღვევო ანაზღაურებით შეძენილი ან დაბრუნებული ავტომოტოტრანსპორტი;

თუ სადაზღვევო შემთხვევის დადგომასთან დაკავშირებულ ფაქტებზე აღძრულია სისხლის სამართლის საქმე ან/და დაწყებულია სხვა სახის სასამართლო პროცესი, მზღვეველის მიერ სადაზღვევო ანაზღაურების

გადახდის თაობაზე გადაწყვეტილების მიღება არ შეიძლება გადავადებულ იქნას გამოძიების ან სასამართლო განხილვის დამთავრებამდე, მიუხედავად იმისა, გამოძიების ან/და სასამართლო განხილვის შედეგებს შეუძლია თუ არა გავლენა იქონიოს სადაზღვევო ანაზღაურების შესახებ გადაწყვეტილების მიღებაზე.

მესამე პირის წინაშე პასუხისმგებლობის დაზღვევისას, ანაზღაურების გაცემა, გარდა ზემოაღნიშნული პირობებისა, ხორციელდება სადაზღვევო შემთხვევის ფაქტის დადგენის შემდეგ შემდეგი წესით:

ა) ანაზღაურების გაცემა დაზღვეულზე:

- მზღვეველი ანაზღაურებს სასამართლო და სასამართლოს გარეთ უკვე გაწეულ ხარჯებს, რომლებიც დაკავშირებულია სადაზღვევო შემთხვევის მიზეზით მესამე პირის მიერ აღძრული სარჩელის შედეგად თავის დაცვასთან, იმ შემთხვევაში თუ ეს ხარჯები მზღვეველთან წინასწარ წერილობით იყო შეთანხმებული.

- მზღვეველი ანაზღაურებს მესამე პირისათვის უკვე გაღებულ კომპენსაციას, თუ ეს მზღვეველთან წინასწარ იყო წერილობით შეთანხმებული.

- თუ დაზღვეული წინასწარ გაიღებს რაიმე თანხას მზღვეველის წერილობითი თანხმობის გარეშე, ეს უკანასკნელი თავისუფლდება ასეთი თანხის ანაზღაურების ვალდებულებისაგან;

ბ) ანაზღაურების გაცემა ავტოსატრანსპორტო შემთხვევით დაზარალებულ მესამე პირებზე ან მათ მემკვიდრეებზე:

- მზღვეველი ანაზღაურებს სასამართლოს გადაწყვეტილებით დადგენილ თანხას (სადაზღვევო შემთხვევის შედეგად მიყენებულ ზიანს), რომელიც დაზღვეულმა კომპენსაციის სახით უნდა გადაუხადოს დაზარალებულს, მხოლოდ სადაზღვევო თანხის ფარგლებში.

გ) მზღვეველს შეუძლია სასამართლოს გადაწყვეტილებამდე ანაზღაუროს სადაზღვევო შემთხვევით გამოწვეული ზიანი.

გაცემული მთლიანი (ჯამური) ანაზღაურება არ შეიძლება აღემატებოდეს სადაზღვევო პოლისში მითითებულ პასუხისმგებლობის ლიმიტს, მიუხედავად სადაზღვევო პერიოდში მომხდარი სადაზღვევო შემთხვევების რაოდენობისა და მათ მიერ გამოწვეული სრული ზარალის ოდენობისა.

ნებისმიერი ანაზღაურება გაიცემა ფრანშიზის გათვალისწინებით, ანუ თუ მიყენებული ზიანის გამო გასაცემი ანაზღაურება არ აღემატება ფრანშიზას, იგი არ გაიცემა, ხოლო თუ გასაცემი ანაზღაურება აღემატება ფრანშიზას, გაიცემა მხოლოდ ის თანხა, რომელიც შეადგენს ზიანის ოდენობისა და ფრანშიზას შორის სხვაობას.

ერთი ავტოსატრანსპორტო შემთხვევით გამოწვეული ყველა სახის სარჩელი განიხილება როგორც მხოლოდ ერთი სადაზღვევო შემთხვევის შედეგი.

დაზღვევა არ ითვალისწინებს ერთი და იგივე სადაზღვევო შემთხვევის ორჯერად ანაზღაურებას.

დაზღვევა არ ცვლის ავტომობილტრანსპორტის მფლობელთა სამოქალაქო პასუხისმგებლობის სავალდებულო დაზღვევას, რომელიც მოქმედებს იმ ტერიტორიაზე, სადაც მოხდა სადაზღვევო შემთხვევა.

დაზღვევა ფარავს ზარალს იმ თანხის ზემოთ, რომელიც დაზღვეულმა შეიძლება მიიღოს არსებული სხვა ტიპის დაზღვევის საფუძველზე.

თუ დაზღვეული განზრახ არ ასრულებს წინამდებარე პირობებით მასზე დაკისრებულ ვალდებულებებს, მზღვეველი მთლიანად თავისუფლდება ანაზღაურების ვალდებულებისაგან.

გარდა წინამდებარე პირობებით განსაზღვრული გამონაკლისებისა, მესამე პირის წინაშე პასუხისმგებლობის დაზღვევის ნაწილში მოქმედებს შემდეგი გამონაკლისები:

- ა) ზიანი რომელიც არ მიაღმა მესამე პირთა სიცოცხლეს და ქონებას;
- ბ) ზიანი, რომელიც მიაღმა მესამე პირთა ქონებას მისი ავტომობილით ტრანსპორტირებისას ან თუ ეს ქონება ჩაბარებული ჰქონდათ დაზღვეულს/დამზღვევს შესანახად, სამეთვალყურეოდ ან სამართავად;
- გ) ზიანი, რომელიც მიაღმა მესამე პირთა სიცოცხლეს და ქონებას ავტომობილის პროფესიონალურ ან ორგანიზებულ რბოლაში, ისევე როგორც სანევენებელ გამოსვლებში მონაწილეობისას, ან მათთვის მომზადებისას;
- დ) ზიანი, გამოწვეული სახელმწიფო ორგანოების მიერ დაზღვეულის დაპატიმრების ან მისი ქონების კონფისკაციის მცდელობისას;
- ე) ზიანი გამოწვეული ფორს-მაჟორის შედეგად: ომი (გამოცხადებული თუ გამოუცხადებელი), სამოქალაქო არეულობა, აჯანყება, რევოლუცია, ხანძარი, წყალდიდობა და სხვა ნებისმიერ არაკონტროლირებადი მოვლენა;
- ვ) ზიანი მიყენებული შემდეგი მიზეზით(მიუხედავად იმისა კონტროლირებადია თუ არა): ბირთვული იარაღის აფეთქება(თუნდაც შემთხვევითი), ბირთვული რეაქცია, რადიაცია, ან რადიოაქტიური დაბინძურება.

მძღოლისა და მგზავრების უბედური შემთხვევისაგან დაზღვევისას, ანაზღაურების გაცემა, გარდა ზემოაღნიშნული პირობებისა, ხორციელდება სადაზღვევო შემთხვევის ფაქტის დადგენის შემდეგ შემდეგი წესით:

- ა) მოსარგებლეზე, დაზღვეულის გარდაცვალების შემთხვევაში, ერთ პიროვნებაზე ანაზღაურების მიმდინარე სადაზღვევო ლიმიტის 100%-ის ოდენობით;

- ბ) თუ მოსარგებლე არ იქნება განსაზღვრული დაზღვეულის სიკვდილამდე, სადაზღვევო ანაზღაურება განხორციელდება ამ უკანასკნელის კანონიერ მემკვიდრეზე;
- გ) თუ სარგებელის მიმღები პიროვნება არ არსებობს, მზღვეველი იხდის მხოლოდ დაკრძალვის ხარჯებს, მაგრამ არა უმეტეს ერთ პიროვნებაზე ანაზღაურების მიმდინარე სადაზღვევო ლიმიტისა.

სხეულის დაზიანების შემთხვევაში სადაზღვევო ანაზღაურება გაიცემა ასეთი დაზიანების ხარისხის შესაბამისად. სადაზღვევო ანაზღაურების სიდიდე გამოთვლილ უნდა იქნას ქვემოთ მოყვანილი პროცენტული წილების ცხრილის მიხედვით, რომელშიც 100%-ნი ანაზღაურება უდრის მიმდინარე სადაზღვევო ლიმიტს პიროვნებაზე:

- მხედველობის სრული დაკარგვა ორივე თვალში	100%
- ორივე მკლავის ან ორივე ხელის მტევნის დაკარგვა	100%
- ტრავმის შედეგად ორივე ყურში სმენის სრული დაკარგვა	60%
- ქვედა ყბის მოცილება	100%
- მეტყველების უნარის დაკარგვა გამოწვეული ხმის იოგების დაზიანებით	100%
- ხელისა და ფეხის დაკარგვა	100%
- ორივე ფეხის დაკარგვა	100%
- ორივე ხელის დაკარგვა	100%
- ერთი ხელის დაკარგვა იდაყვის სახსრის ზევით	70%
- ერთი ხელის დაკარგვა იდაყვის სახსრის ქვემოთ	60%
- ცერა თითის დაკარგვა	20%
- ნებისმიერი სხვა თითის დაკარგვა	10%
- ერთი ფეხის მუხლზედა დაკარგვა	60%
- ერთი ფეხის მუხლქვედა დაკარგვა	50%
- ერთი ტერფის დაკარგვა	40%
- მხედველობის დაკარგვა ერთ თვალში	30%
- ერთ თვალში მხედველობის დაკარგვა	70%
- ერთ ყურში სმენის დაკარგვა, ტრავმის შედეგად	15%
- ერთ ყურში სმენის დაკარგვა ტრავმის შედეგად, თუ მეორე ყურში სმენა უბედურ შემთხვევამდე იყო დაკარგული	45%
- გემოს აღქმის უნარის დაკარგვა	10%
- ყნოსვის უნარის დაკარგვა	10%
- ელენთის დაკარგვა	10%
- ერთი თირკმელის დაკარგვა	20%

თუ სადაზღვევო შემთხვევის გამო დაზიანებულია სხეულის რამდენიმე ნაწილი, პროცენტები შეიკრიბება; თუმცა არც ერთ შემთხვევაში ჯამური ანაზღაურება არ შეიძლება აღემატებოდეს პიროვნებაზე მიმდინარე სადაზღვევო ლიმიტს;

სადაზღვევო ანაზღაურება გაიცემა დაზიანების ხარისხის დადგენის შემდეგ;

სხეულის დაზიანებისთვის უკვე გადახდილი ხარჯები გამოიქვითება გარდაცვალებაზე გადასახდელი მთლიანი თანხიდან.

დაზღვეულზე რამდენიმე დიაგნოზის არსებობის შემთხვევაში სადაზღვევო ანაზღაურება გაიცემა უფრო მძიმე დიაგნოზის მიხედვით;

დამატებითი ანაზღაურება.

მზღვეველი უბედური შემთხვევით დაზარალებულ რომელიმე დაზღვეულს, მის კანონიერ წარმომადგენელს ან მოსარგებლეს უნაზღაურებს:

- უბედური შემთხვევის შედეგად ჯანმრთელობის გაუარესების შემთხვევაში დაზღვეულის ამბულატორიულ მკურნალობის ხარჯებს 200 ა.შ.შ. დოლარის ფარგლებში, დამამტკიცებელი საბუთების წარდგენის საფუძველზე.
- უბედური შემთხვევის შედეგად ჯანმრთელობის გაუარესების შემთხვევაში დაზღვეულის გადაუდებელი სტაციონარული მკურნალობის ხარჯებს 1000 ა.შ.შ. დოლარის ფარგლებში, დამამტკიცებელი საბუთების წარდგენის საფუძველზე.
- ნებისმიერ შემთხვევაში მზღვეველის მიერ დაზღვეულზე გაცემული სადაზღვევო ანაზღაურების მთლიანი თანხა არ უნდა აღემატებოდეს მიმდინარე სადაზღვევო ლიმიტს პიროვნებაზე.

გარდა წინამდებარე ხელშეკრულება/პირობების მე-6 მუხლით განსაზღვრული გამონაკლისებისა, მძღოლისა და მგზავრების უბედური შემთხვევისაგან დაზღვევის ნაწილში მოქმედებს შემდეგი გამონაკლისები:

- თვითმკვლელობის ან თვით-დასახიჩრების ან ამგვარი ქმედებების ჩადენის მცდელობისას;
- ავტომობილის ფსიქოტროპული, ნარკოტიკული ან ალკოჰოლური ზემოქმედების ქვეშ მართვისას;
- ავტომობილის სამხედრო მიზნებისათვის გამოყენებისას.
- ნებისმიერი უბედური შემთხვევა, რომელიც დაკავშირებულია შემდეგ გარემოებებთან:
- მონაწილეობა რბოლაში, ავტომობილთა შეჯიბრში ან მსგავს შეჯიბრებებისათვის მომზადება;
- ომი, რევოლუცია, აჯანყება და ამის წინააღმდეგ განხორციელებული ქმედებები, აგრეთვე ვულკანური ამოფრქვევა და ცვლილებები ბირთვულ სტრუქტურაში;

ზ) შიდა არეულობები (აჯანყების და ამბოხის დროს ძალადობის გამოყენება ხალხის ან ქონების წინააღმდეგ) და მათ დასახშობად მიმართული ქმედებები;

შეტყობინება და ინფორმაციული უზრუნველყოფა

მხარეთა მიერ ერთმანეთის დაუყოვნებელი ინფორმაციული უზრუნველყოფა ხდება ტელეფონის, ფაქსის ან/და კავშირის საყოველთაოდ აღიარებული სხვა საშუალებებით;

დაუყოვნებელი ინფორმაცია მიწოდებულად ჩაითვლება კონტრაგენტის ან/და ამ მიზნისათვის სპეციალურად უფლებამოსილი პირის ტელეფონის, ფაქსის ან/და კავშირის საყოველთაოდ აღიარებული სხვა საშუალებებით კონტაქტის დაფიქსირებით;

მხარეთა მიერ ერთმანეთის წერილობითი ინფორმაციული უზრუნველყოფა ხდება დაზღვეული წერილის ან/და წერილობითი დოკუმენტის კონტრაგენტისათვის ან/და ამ მიზნისათვის სპეციალურად უფლებამოსილი პირისათვის პირადად ჩაბარებით;

წერილობითი ინფორმაცია მიწოდებულად ჩაითვლება კონტრაგენტის ან/და ამ მიზნისათვის სპეციალურად უფლებამოსილი პირის სათანადო დოკუმენტზე ხელმოწერითა და დროის დაფიქსირებით;

სადაზღვევო პოლისის მიზნებისათვის დამზღვევის (მოსარგებლის, დაზღვეულის) მხრიდან საინფორმაციო უზრუნველყოფისათვის უფლებამოსილი პირის რეკვიზიტები მიეთითება განაცხადში;

სადაზღვევო პოლისის მიზნებისათვის მზღვეველის საინფორმაციო უზრუნველყოფისათვის გამოიყენება მისი წარმომადგენლობის ფაქტიური ადგილსამყოფელი ან/და „ასისტანსის“ სამსახური.

განსაკუთრებული პირობები

„დამზღვევის“ მიერ სადაზღვევო პრემიის გადახდის წესის დარღვევის შემთხვევაში „მზღვეველი“ უფლებამოსილია შეაჩეროს სადაზღვევო მომსახურება „დამზღვევის“ მიერ ფინანსური ვალდებულების სრულად შესრულებამდე. ამასთან, დავალიანების დაფარვის შემდეგ თუკი დავალიანების წარმოშობის დღისა და დაფარვას შორის პერიოდი აღემატება 30 (ოცდაათი) კალენდარულ დღეს, „მზღვეველი“ დავალიანების პერიოდში დამდგარ შემთხვევებს აღარ განიხილავს სადაზღვევო შემთხვევებად და შესაბამისად უფლებამოსილია არ გასცეს სადაზღვევო ანაზღაურება;

დამზღვევის ვალდებულებები თანაბრად ვრცელდება დაზღვეულზე ან/და მოსარგებელზე;

თუ დამზღვევის (დაზღვეულის, მოსარგებლის) ბრალით მზღვეველის მიერ რეგრესის წესის გამოყენება შეუძლებელი გახდა, მზღვეველს უკან უბრუნდება სადაზღვევო ანაზღაურება იმ პირისაგან, ვინც ის მიიღო ან/და მზღვეველს უფლება ექნება უარი თქვას სადაზღვევო ანაზღაურების გაცემაზე;

მზღვეველის პასუხისმგებლობა შეზღუდულია სადაზღვევო თანხის ოდენობით, მიუხედავად სადაზღვევო პერიოდში მომხდარი სადაზღვევო შემთხვევების სიმრავლისა და მათი სიდიდისა;

თუ დამზღვევმა ან/და დაზღვეულმა განზრახ გამოიწვია სადაზღვევო რისკის გაზრდა, მზღვეველს შეუძლია გააუქმოს დაზღვევის პოლისი სადაზღვევო პრემიის დაბრუნების გარეშე, ყოველგვარი ვადის დაუცველად;

ხელშეკრულება/პირობებზე ხელმოწერით დამზღვევი (დაზღვეული, მოსარგებლე) აცხადებს თანხმობას, რომ მზღვეველი უფლებამოსილია, ამავე ხელშეკრულება/პირობების საფუძველზე განხორციელებული დაზღვევის ფარგლებში დამდგარი ნებისმიერი შემთხვევის შესახებ ინფორმაცია ასახოს შპს „სადაზღვევო-საინფორმაციო ბიუროს“ საინფორმაციო ბაზაში და ხელმისაწვდომი გახადოს სხვა სადაზღვევო კომპანიებისათვის;

ხელშეკრულება/პირობებზე ხელმოწერით დამზღვევი (დაზღვეული, მოსარგებლე) ასევე აცხადებს თანხმობას, რომ მზღვეველი უფლებამოსილია, ყოველგვარი დამატებითი თანხმობის გარეშე, საქართველოს შინაგან საქმეთა სამინისტროს მონაცემთა ბაზიდან, მიიღოს ინფორმაცია დამზღვევის (დაზღვეული, მოსარგებლე, უფლებამოსილი მძღოლი) მიერ საგზაო მოძრაობის სფეროში ჩადენილი სამართალდარღვევების შესახებ.

ქონების დაზღვევის პირობები

განმარტებები

ქონების დაზღვევის დოკუმენტებში გამოყენებულ ტერმინებს აქვთ შემდეგი მნიშვნელობა:

სადაზღვევო სერთიფიკატი – დაზღვევის დამადასტურებელი დოკუმენტი, რომელიც გაიცემა დაზღვევის მიერ შეესრულებული განაცხადის საფუძველზე

სადაზღვევო პოლისი – სადაზღვევო სერთიფიკატის, განაცხადის და “ქონების დაზღვევის პირობების” ერთობლიობა

მზღვეველი – სადაზღვევო კომპანია

დამზღვევი – დაზღვევის სერთიფიკატში მითითებული ფიზიკური ან იურიდიული პირი, რომელიც ახორციელებს განაცხადში მითითებული ქონების დაზღვევას მზღვეველთან

დაზღვეული – სერთიფიკატში მითითებული ფიზიკური ან იურიდიული პირი, რომლის ქონების მიმართაც ხორციელდება დაზღვევა (ქონების მესაკუთრე), დამზღვევი შეიძლება იმავდროულად იყოს დაზღვეული, თუ დაზღვევის პირობებით სხვა რამ არ არის გათვალისწინებული

მოსარგებლე – სერთიფიკატში მითითებული ფიზიკური ან იურიდიული პირი, რომელიც უფლებამოსილი მიიღოს სადაზღვევო ანაზღაურება სადაზღვევო პოლისის საფუძველზე, დაზღვევის წინამდებარე პირობების თანახმად

დაზღვეული ობიექტი (ქონება) – სერთიფიკატში და/ან მის დანართში მითითებული ყველა სახის უძრავი და მოძრავი ქონება, რომელიც იმყოფება დაზღვეულის კანონიერ საკუთრებაში

სადაზღვევო შემთხვევა – მოცემული პირობებით გათვალისწინებული შემთხვევა, რომელსაც მოყვება დაზღვეული ქონების დაზიანება, დაკარგვა და/ან განადგურება და ღგება მზღვეველის პასუხისმგებლობა აუნაზღაუროს დამზღვევს მიღებული მატერიალური ზარალი მოცემული პირობების თანახმად. მზღვეველი არ აანაზღაურებს ზარალს განყოფილება “გამონაკლისებ”-ში მითითებული პირობების არსებობის შემთხვევაში

სადაზღვევო თანხა – მზღვეველის პასუხისმგებლობის წლიური ლიმიტის თანხა, რომლის ფარგლებში იზღვევა განაცხადში მითითებული ქონება. ეს თანხა შეიძლება განსხვავდებოდეს ქონების რეალური საბაზრო ღირებულებისგან, თუმცა არ უნდა აღემატებოდეს მას. ასეთ შემთხვევაში ზარალი ანაზღაურდება იმ პროპორციით, რა პროპორციასაც შეადგენს სადაზღვევო თანხა ქონების რეალურ საბაზრო ღირებულებასთან მიმართებაში

ფრანშიზა – არანაზღაურებადი მინიმუმი, ანუ პროცენტულად ან ფიქსირებული თანხით განსაზღვრული დაზღვეული ქონებისადმი მიყენებული ზიანის ოდენობა, რომელსაც არ აანაზღაურებს მზღვეველი. ფრანშიზა გამოიჭეოთება ყოველი საზღაურის გაცემისას და ვრცელდება ყოველ რისკზე სადაზღვევო პოლისში მითითებული ერთი და იმავე ან განსხვავებული ოდენობით

სადაზღვევო პრემია – დამზღვევის მიერ გადასახდელი სადაზღვევო შესატანი, რომელიც გამოითვლება სადაზღვევო თანხიდან მზღვეველის სადაზღვევო ტარიფის მიხედვით და რომლის საპასუხოდ მზღვეველი იღებს ვალდებულებას სადაზღვევო შემთხვევის დადგომისას აანაზღაუროს ზარალი დაზღვევის მოცემული პირობების შესაბამისად

1. ზოგადი დებულებები

ამ წესებისა და საქართველოს კანონმდებლობის საფუძველზე სადაზღვევო კომპანია – შემდგომში “მზღვეველი”, გასცემს ფიზიკური პირების, ასევე საწარმოების, ორგანიზაციების, დაწესებულებების და სხვა იურიდიული პირების, მათი ორგანიზაციულ-სამართლებრივი სტატუსისა და საკუთრების ფორმის მიუხედავად – შემდგომში “დამზღვევი”, ქონების დაზღვევის პოლისს;

დამზღვევი უფლებამოსილია დაზღვევის გაფორმებისას დანიშნოს მოსარგებლე სადაზღვევო ანაზღაურების მისაღებად;

დაზღვევას ექვემდებარება დამზღვევის ან დაზღვეულის კუთვნილი ქონება, რომელიც იმყოფება (მდებარეობს) ხელშეკრულებაში, რაც აისახება შესაბამის განაცხადში, მითითებულ მისამართზე.

2. დაზღვევის ობიექტი

დაზღვევის ობიექტს წარმოადგენს დამზღვევის ქონებრივი ინტერესები, რომლებიც დაკავშირებულია ქონების ფლობასთან, გამოყენებასა და განკარგავასთან და არ ეწინააღმდეგება საქართველოს კანონმდებლობას;

ამ წესების შესაბამისად დასაზღვევად მიიღება დამზღვევის ან დაზღვეულის ქონება: შენობა-ნაგებობები, შიდა მოპირკეთება, ტექნოლოგიური და საწარმოო მოწყობილობა, ინვენტარი, გამოთვლითი ტექნიკა, ელექტრონული ხელსაწყოები, ორგტექნიკა, აუდიო-ვიდეო აპარატურა, რადიოტექნიკა, სხვა სასაქონლო-მატერიალური ფასეულობები – აღწერის შესაბამისად;

სადაზღვევოდ არ მიიღება: დოკუმენტები, საბუღალტრო და სხვა სახის საქმის წარმოების წიგნები, ხელნაწერები, ნახაზები, ნიმუშები, ანტიკვარიატი, ხელოვნების ნაწარმოებები, სავაჭრო ავტომატები,

ბანკომატები, ფულის გადამცემი ავტომატები და მათი შიგთავსი, ძვირფასი ლითონები და მათი ნაწარმი, ძვირფასი ქვები, ბეწვეული და მისი ნაწარმი, ფასიანი ქაღალდები, ობლიგაციები, ნაღდი ფული, კომპიუტერსა და სხვა სახის ანალოგიურ სისტემებში არსებული ტექნიკური საინფორმაციო საშუალებები (მაგნიტური ბლოკი, მაგნიტური ლენტა, საინფორმაციო ბლოკი და სხვა) და ინფორმაციის სხვა მატარებლები, ფეთქებადი და აალებადი საგნები, ცეცხლსასროლი იარაღი, შახტები, ავტოსატრანსპორტო საშუალებები, ნარგავები და ცხოველები.

დასაზღვევად მისაღები ქონების ნუსხა განისაზღვრება სატენდერო დოკუმენტაციით და მითითებული იქნება განაცხადში და/ან პოლისის საგანგებო დანართში.

3. სადაზღვევო შემთხვევები და რისკების ჩამონათვალი

სადაზღვევო შემთხვევას წარმოადგენს მოვლენა, რომლის დადგომისას წარმოიშევა მზღვეველის პასუხისმგებლობა გადაუხადოს დამზღვევეს (მოსარგებლეს) სადაზღვევო ანაზღაურება.

ზარალის ანაზღაურება მზღვეველის მიერ გარანტირებულია დაზღვეული ქონების დაკარგვის, დაღუპვის, დაზიანებისას შემდეგ სადაზღვევო შემთხვევებში:

“ხანძარი” – ღია ცეცხლი, რომელიც მოყვება წვას და რომელიც ვრცელდება მას შემდეგ, რაც იგი გაჩნდა ცეცხლისთვის განკუთვნილი ადგილიდან განსხვავებულ ადგილას ან თვითნებურად გასცდა ამგვარ ადგილს;

“მეხის დაცემა” – მეხი, რომელიც ეცემა უშუალოდ დაზღვეულ ობიექტს

“აფეთქება” – აირის ან ორთქლის წნევის ძალის უეცარი და დამანგრეველი გამოვლინება, არამდგრადი სისტემის სწრაფი ქიმიური რეაქცია

“თვითფრინავის ან სხვა საჰაერო ტრანსპორტის ან მათი ნაწილების ჩამოვარდნა, ან ამ უკანასკნელებიდან ნივთების გადმოვარდნა”

“სტიქიური უბედურება” – ზარალის წარმოშობა გარე ბუნებრივი ძალების მექანიკური ზემოქმედების შედეგად (ქარიშხალი (ქარის სიჩქარე აღემატება 20 მ/წმ), გრივადი, ქარბორბალა, შტორმი, სეცევა, ქვისცვენა, მეწყერი, გრუნტის დაწევა, ყინვის მოქმედება, უხვოვლიანობა, წყალდიდობა, თავსხმა, მდინარეების აღიდება, მიწისძვრა).

“წყლით დაზიანება” – ზარალის წარმოშობა წყალსადენების, გასათბობი, ხანძარსაწინააღმდეგო, საკანალიზაციო სისტემების მწყობრიდან გამოსვლის შედეგად; წყლის შემოჭრისას მეზობელი სადგომებიდან, მიწისქვეშა წყლების გამოსვლისას წყალდიდობის, თავსხმის, მდინარეების აღიდების შედეგად.

“მესამე პირთა მართლსაწინააღმდეგო ქმედება” – ზარალის წარმოშობა ქურდობის, ძარცვა-ყაჩაღობის ან მესამე პირთა ბოროტი განზრახვით ჩადენილი ქმედების შედეგად.

“ავტოტრანსპორტისა და მათი ნაწილების შეჯახება”-ავტომოტოტრანსპორტისა და მათი ნაწილების პირდაპირი მექანიკური ზემოქმედება

“ვიტრინების დაზიანება” – ვიტრინების პირდაპირი დაზიანება ზემოთ ჩამოთვლილი ყველა რისკისგან.

დამზღვევის სურვილით ქონება შეიძლება დაზღვეული იყოს ყველა ან თითოეული ცალკე ჩამოთვლილი, ან კიდევ მათი ნებისმიერი კომბინაციის რისკ(ებ)ისაგან, რომლებიც მითითებული იქნება დაზღვევის დამადასტურებელ სერთიფიკატში. იპოთეკით დატვირთული ქონების შემთხვევაში დასაზღვევ რისკებს განსაზღვრავს მოსარგებლე.

4. გამონაკლისები

4.1. მზღვეველი არ აანაზღაურებს იმ ზარალს, რომლის მიზეზია:

4.1.1. ყველა სახის საომარი მოქმედება (მიუხედავად ომის გამოცხადებისა თუ გამოუცხადებლობისა), სამოქალაქო მღელვარება, მასობრივი არეულობა, გაფიცვა, სამხედრო გადატრიალება ან სახალხო აჯანყება, რევოლუცია, სამხედრო ან უზურპირებული ხელისუფლება, სახედრო ან საგანგებო მდგომარეობა ან სხვა ნებისმიერი მოვლენა ან გარემოება, რის გამოც ცხადდება ან გამოცხადებულია სამხედრო ან საგანგებო მდგომარეობა, კონფისკაცია, რეკვიზიცია, დაპატიმრება;

4.1.2. ბირთვული აფეთქება, რადიოაქტიური დაბინძურება;

4.1.3. სამხედრო ან სამოქალაქო ხელისუფლების განკარგულებით ქონების განადგურება ან დაზიანება;

4.1.4. დამზღვევის ან მოსარგებლის განზრახ ან უხეში გაუფრთხილებლობით ჩადენილი ქმედება, რომელიც პირდაპირ ან არაპირდაპირ იყო მიმართული სადაზღვევო შემთხვევის დადგომის გამოსაწვევად;

4.1.5. დამზღვევის ან მოსარგებლის დანაშაულის განზრახ ჩადენა, რომელიც პირდაპირ მიზეზობრივ კავშირშია სადაზღვევო შემთხვევასთან;

4.1.6. დამზღვევის მიერ მზღვეველისათვის სადაზღვევო ობიექტის შესახებ მისთვის წინასწარი შეცნობით მცდარი ინფორმაციის მოწოდება;

4.1.7. დაზღვეული ქონების დეფექტები და ნაკლოვანებები, რომლებიც დამზღვევისთვის ცნობილი იყო სადაზღვევო შემთხვევის დადგომამდე;

4.1.8. დაზღვეული ქონების იჯარის ან ქირავნობის ხელშეკრულებით, აგრეთვე სასწავლო, კვლევითი, კომერციული ან სასპორტო მიზნებით გამოყენება მზღვეველთან შეთანხმების გარეშე;

4.1.9. სპონტანური თვითფრემენტაცია ან გადახურება (ჩახურება) ან ისეთი საწარმოო პროცესით გამოწვეული ხანძარი (გამოწვეული აფეთქებით ან სხვა მიზეზით), სადაც გამოიყენება სიმხურვალე;

4.1.10. ნებისმიერი სახის მოწყობილობის ან დანადგარის ელექტრული დაზიანება, რომელიც პირდაპირ ან არაპირდაპირ არის გამოწვეული მოკლე ჩართვით ან დენის ცვალებადობით, ეს გამონაკლისი არ ეხება ამ შემთხვევით გამოწვეულ ხანძარს;

4.1.11. თვითმფრინავის ან სხვა საჰაერო ტრანსპორტის ბეგრითი ან ზებეგრითი სიჩქარის ფრენისას წარმოშობილი წნევის ტალღები;

4.1.12. ტყეებში ან ბუჩქნარებში ნებისმიერი მიზეზით გაჩენილი ან მიწების გაწმენდის მიზნით გამოწვეული ხანძარი;

4.1.13. ნავთობქიმიური ნივთიერებების მოქმედება.

5. სადაზღვეო თანხა, სადაზღვეო პრემიები (შესატანები), მათი გადახდის წესი და ფორმა

5.1. სადაზღვეო თანხა არის ტექნიკურ დავალებაში, რაც ასახულია სერთიფიკატში, მითითებული თანხა, რომელიც წარმოადგენს მზღვეველის მიერ გადასახდელი ანაზღაურების წლიურ ლიმიტს.

5.2 სადაზღვეო თანხის მინიმალური ოდენობის დადგენა ხდება ტექნიკურ დავალებით. იპოთეკით დატვირთული ქონების საკრედიტო ორგანიზაციის სასარგებლოდ განხორციელებული დაზღვევის შემთხვევაში სადაზღვეო თანხა განისაზღვრება, როგორც გაცემული კრედიტის თანხისა და მასზე დარიცხული პროცენტების ჯამი. სადაზღვეო თანხა არ შეიძლება აღემატებოდეს ქონების რეალურ ღირებულებას სადაზღვეო პოლისის გაცემის თარიღისათვის. სადაზღვეო თანხა არ შეიძლება წარმოადგენდეს დამზღვევის უსაფუძვლო გამდიდრების წყაროს. მხარეებს არ შეუძლიათ იდავონ ქონების სადაზღვეო ღირებულების თაობაზე, რომელიც დადგინდა პოლისის გაცემისას, გარდა იმ შემთხვევისა, როდესაც მზღვეველი დაამტკიცებს დამზღვევის მიერ მის განზრახ შეცდომაში შეყვანას. სადაზღვეო თანხის ობიექტის რეალურ ღირებულებასთან შესაბამისობის დადგენა ხდება თითოეული დაზღვეული ობიექტისათვის ცალ-ცალკე ან სადაზღვეო ხელშეკრულებაში მითითებული ყველა ობიექტისათვის ჯამურად. თუ სადაზღვეო პოლისით განსაზღვრული სადაზღვეო თანხა აჭარბებს ქონების რეალურ ღირებულებას, ხელშეკრულება კანონით ითვლება ბათილად სადაზღვეო თანხის იმ ნაწილში, რომელიც აჭარბებს ქონების რეალურ ღირებულებას.

5.3. სადაზღვეო შესატანი (პრემია) წარმოადგენს დამზღვევის მიერ გადასახდელ თანხას (მითითებულია, ტექნიკურ დავალებაში, რაც ასახულია სადაზღვეო სერთიფიკატში), რომლის საპასუხოდ მზღვეველი იღებს ვალდებულებას სადაზღვეო შემთხვევის დადგომისას ანაზღაუროს ზარალი “ქონების ნებაყოფლობითი დაზღვევის პირობები”-ს შესაბამისად. პრემიის გადახდა წარმოებს ხელშეკრულებითა განსაზღვრული წესით.

5.4 სადაზღვეო პრემიის ოდენობა დგინდება ხელშეკრულებით. იპოთეკით დატვირთული ქონების ბანკის სასარგებლოდ დაზღვევის შემთხვევაში პრემიის გადახდა წარმოებს ერთჯერადად.

6. მხარეთა ვალდებულებები

მზღვეველი ვალდებულია:

6.1.1 დამზღვევის განცხადებული პრეტენზიის სადაზღვეო შემთხვევის შედეგად დამდგარი ზიანის ოდენობის დამადასტურებელი საბუთისა და ანაზღაურების ოდენობის დასადაგენად საჭირო სხვა ცნობების (სხვა ხელშეკრულებების შესახებ, სადაც ამ პირობებით დაზღვეული ქონება ან მისი ნაწილი წარმოადგენს დაზღვევის ობიექტს) მიღებიდან 30 დღის ვადაში შეადგინოს სადაზღვეო აქტი.

6.1.2 სადაზღვეო შემთხვევის დადგომისას უზრუნველყოს სადაზღვეო ანაზღაურების გადახდა მზღვეველისა და დამზღვევის მიერ სადაზღვეო აქტის ხელმოწერის მომენტიდან 60 სამუშაო დღის განმავლობაში ან გაცეს დასაბუთებული უარი ანაზღაურების გაცემაზე.

6.1.3 ანაზღაუროს ის ხარჯები, რომლებიც მისი მითითებით (ინსტრუქციით) იქნა გაღებული. ამ ხარჯების ანაზღაურება ხდება სადაზღვეო სერთიფიკატში მითითებული სადაზღვეო თანხის ფარგლებში, ფრანშიზის გათვალისწინებით.

6.2 დამზღვევი ვალდებულია:

6.2.1 გადაიხადოს სადაზღვეო შესატანი (პრემია) ხელშეკრულების დადების დღიდან 5 საბანკო დღის განმავლობაში, თუ ხელშეკრულებით არ არის გათვალისწინებული რაიმე სხვა პირობა.

6.2.2. პოლისის გაცემაზე გააცნოს მზღვეველს ყველა მისთვის ცნობილი გარემოება, რომელთაც მნიშვნელობა აქვს სადაზღვეო რისკის შეფასებისას, აგრეთვე, ამ ქონებასთან დაკავშირებული ყველა დადებული ან დასადაგი სადაზღვეო ხელშეკრულება;

6.2.3. პოლისის მოქმედების პერიოდში 3 დღის ვადაში შეატყობინოს მზღვეველს ყველა იმ ცვლილების შესახებ, რომელიც ზრდის რისკის ზომას ან ხარისხს. ამ შემთხვევაში მზღვეველს აქვს უფლება მოსთხოვოს დამზღვევს დამატებითი სადაზღვეო შესატანის გადახდა. დამატებით გადახდაზე დამზღვევის მიერ უარის თქმა მზღვეველს უფლებას აძლევს შეწყვიტოს სადაზღვეო ხელშეკრულება რისკის გაზრდისთანავე.

6.2.4 პოლისის მოქმედების პერიოდში დაუყოვნებლივ (არა უგვიანეს 3 დღის ვადაში) შეატყობინოს მზღვეველს შემდეგი გარემოებების შესახებ:

- შეწყდა დაზღვეულის სადაზღვეო ინტერესი;
- დაზღვეული შენობა, მისი ნებისმიერი ნაწილი ან სხვა სახის ქონება მიტოვებულია 30 დღეზე მეტი ხნის განმავლობაში.

6.2.5 მიიღოს აუცილებელი ზომები დაზღვეული ქონების დაღუპვის თავიდან აცილების და შესაძლო ზარალის შემცირების მიზნით. სადაზღვეო შემთხვევის დადგომისას დაუყოვნებლივ მიიღოს ყველა შესაძლო ზომა ქონების გადარჩენის და მისი შემდგომი დაზიანების თავიდან აცილების მიზნით, აგრეთვე მოსპოს მიზეზები, რომლებიც ხელს უწყობენ დამატებითი ზარალის წარმოშობას.

6.2.5 ხანძრის, ქონების ან მისი ნაწილების ძარცვის შემთხვევაში, აგრეთვე, დამნაშავე პირის (ვისი მიზეზითაც წარმოიშვა სადაზღვეო შემთხვევა) შესახებ ინფორმაციის ფლობისას, დაუყოვნებლივ შეატყობინოს შესაბამის ორგანოებს (შსს, სახანძრო სამსახური და ა.შ.) ამის შესახებ.

6.2.7. 48 საათის განმავლობაში შეატყობინოს მზღვეველს სადაზღვევო შემთხვევის დადგომის შესახებ.

6.2.8. მიაწოდოს მზღვეველს წერილობითი განცხადება სადაზღვევო ანაზღაურებაზე. განცხადებაში მითითებული უნდა იყოს წარმომოხილელი ზარალის ყველა გარემოება და მიზეზი, აგრეთვე წარუდგინოს დოკუმენტები კომპეტენტური ორგანოებიდან, რომლებშიც დადასტურებულია სადაზღვევო შემთხვევის დადგომის ფაქტი, მიზეზები და ზარალის ზომა.

6.2.9. წარუდგინოს მზღვეველს დაღუპული, დაზიანებული ან დაკარგული დაზღვეული ობიექტების ნუსხა.

6.2.10. უზრუნველყოს მზღვეველი შესაძლებლობით განახორციელოს ზარალის მიმყენებლის მიმართ რეგრესიული მოთხოვნების განხორციელების შესაძლებლობებით.

6.2.11. წარუდგინოს მზღვეველს დაზიანებული ქონება მის რემონტამდე ან დაზიანებული ქონების ნარჩენები, აგრეთვე დაზიანებული ნაწილები, დეტალები და ა.შ.

6.2.12. განახორციელოს საქართველოს კანონმდებლობითა და მოცემული წესებით გათვალისწინებული სხვა ქმედება.

6.2.13. შეატყობინოს დაზღვეულს (მოსარგებლეს), (თუ დამზღვევი და დაზღვეული (მოსარგებლე) სხვადასხვა პირები არიან) თავისი გადაწყვეტილება დააზღვიოს მისი ქონება დაზღვევის ობიექტის ზუსტი განსაზღვრით და წარუდგინოს მზღვეველს შესაბამისი დოკუმენტები.

6.2.14. თუ დამზღვევი და დაზღვეული ერთი პირია, დაუყოვნებლივ შეატყობინოს მზღვეველს ქონების მფლობელის ან ქონებით მოსარგებლის შეცვლის შესახებ.

6.3. დამზღვევის ვალდებულებები, რომლებიც ჩამოთვლილია ამ წესების 6.2 პუნქტში, აგრეთვე თანაბარი ზომით ვრცელდება დაზღვეულზე და მოსარგებელზე. მის მიერ ამ ვალდებულებების შეუსრულებლობა იწვევს იგივე შედეგებს, რაც დამზღვევის შემთხვევაში.

6.4. ყველა ცნობის მიწოდება, რომელიც ამ წესებით არის გათვალისწინებული, ხდება დამზღვევის მიერ წერილობითი ფორმით ან კაპშირის ისეთი საშუალებით, რომელიც უზრუნველყოფს გადაცემული ცნობის ფიქსირებას ან გადაეცემა მზღვეველს მისი მიღების ხელმოწერის დადასტურებით.

7. სადაზღვევო ანაზღაურების გაცემის წესები და პირობები

7.1. სადაზღვევო შემთხვევის დადგომისას მზღვეველი ვალდებულია მოახდინოს დამზღვევისთვის (მოსარგებლისათვის) სადაზღვევო ანაზღაურების გადახდა წინამდებარე პირობების შესაბამისად.

7.2. სადაზღვევო ანაზღაურების გადახდა ხორციელდება სადაზღვევო პოლისის, მიყენებული ზარალის ანაზღაურების თაობაზე დამზღვევის (მოსარგებლის) წერილობითი განცხადის, სადაზღვევო შემთხვევის დადგომის დამამტკიცებელი სადაზღვევო აქტისა და გაანგარიშების საფუძველზე.

7.3. ზარალად გაიგება მატერიალური ზარალი, რომელიც მიადგა დამზღვევს სადაზღვევო შემთხვევის დადგომის შედეგად დაზღვეული ქონების დაზიანებით, დაკარგვით ან დაღუპვით.

7.4. ზარალის განსაზღვრა ხდება მზღვეველისა და დამზღვევის წარმომადგენლების მიერ შემდეგნაირად:

7.4.1. ქონების გატაცების შემთხვევაში – ზარალის დადგომის მომენტისათვის არსებული რეალური ღირებულების ოდენობით;

7.4.2. ქონების განადგურების შემთხვევაში – სადაზღვევო ხელშეკრულების დადების მომენტისათვის მისი რეალური ღირებულების ოდენობით, შემდგომი გამოყენებისათვის ვარგისი, განადგურებას გადარჩენილი არსებული ქონების ღირებულების გამოკლებით;

7.4.3. ქონების დაზიანების შემთხვევაში – ქონების დაზიანებული ნაწილის აღდგენითი ან შენაცვლებითი ღირებულების ოდენობით. თუ ზიანის დადგომის დროისთვის დაზღვეული ქონების ან მისი რომელიმე ნაწილის აღდგენითი ან შენაცვლებითი ღირებულება სადაზღვევო პოლისში აღნიშნულზე უფრო მეტი აღმოჩნდება, ასანაზღაურებელი ზიანის თანხა შემცირდება ასეთივე პროპორციით, როგორცაა შეადგენს სადაზღვევო თანხა ქონების აღდგენით (შენაცვლებით) ღირებულებასთან.

7.5. დამზღვევი წარუდგენს მზღვეველს კომპეტენტური სახელმწიფო ორგანოების (სახანძრო სამსახურის, პოლიციის და ა.შ.) სადაზღვევო შემთხვევის მიზეზებისა და გარემოებების თაობაზე შედგენილ აქტს ან სხვა ოფიციალურ დოკუმენტს.

7.6. საჭიროების შემთხვევაში მზღვეველი მოიკითხავს ცნობებს სამართალდამცავ ორგანოებსა და სხვა ორგანიზაციებში, რომელსაც გააჩნიათ ინფორმაცია სადაზღვევო შემთხვევის გარემოებების თაობაზე; მას აგრეთვე უფლება აქვს თვითონ გამოიკვლიოს სადაზღვევო შემთხვევის დადგომის მიზეზები და გარემოებები.

7.7. ერთ-ერთი მხარის მოთხოვნით ზარალის ოდენობის დადგენა შეიძლება განხორციელდეს დამოუკიდებელი ექსპერტის მეშვეობით, ექსპერტის მომსახურების ღირებულების მისი დამნიშნავი მხარის მიერ გადახდის პირობით.

7.8. გაანგარიშებაში ჩაითვლება მხოლოდ სადაზღვევო შემთხვევით გამოწვეული ხარჯები. ამასთან, ქონების დაზიანებული ნაწილების დეტალებისა და მოწყობილობების შეცვლის ღირებულება ჩაითვლება მხოლოდ იმ პირობით, რომ ისინი შეკეთების გზით ვერ მოიყვანება შემდგომი გამოყენებისათვის ვარგის მდგომარეობაში.

7.9. ქონების აღდგენის დანახარჯებში ჩაითვლება:

7.9.1. აღსადგენად აუცილებელი მასალებისა და სათადარიგო ნაწილების შესაძენი ხარჯები, გამომდინარე მათი ღირებულებიდან სადაზღვევო პოლისის გაცემის მომენტისათვის;

7.9.2. აღსადგენად გაწეული სამუშაოების ანაზღაურების ხარჯები

7.10. ქონების აღდგენის დანახარჯებში არ ჩაითვლება:

7.10.1. ობიექტის ტექნიკური მომსახურებისა და საგარანტიო შეკეთების ღირებულება;

7.10.2. ობიექტის რეკონსტრუქციასთან ან მის გადაიარაღებასთან მისი ცალკეული ნაწილების დეტალებისა და მოწყობილობების, მათი გაცემის, ტექნიკური წუნისა და ა.შ. გამო შეკეთებასთან ან შეცვლასთან დაკავშირებული სამუშაოების ღირებულება;

7.10.3. ამა თუ იმ ნაწილების დეტალებისა და მოწყობილობების შეცვლის (მათი შეკეთების ნაცვლად) სამუშაოების ღირებულება, რაც გამოწვეული იყო საწარმოებში მათი შეკეთებისათვის აუცილებელი ცალკეული სათადარიგო ნაწილებისა და დეტალების არქონით.

7.10.4. იმ შემთხვევაში, როდესაც ობიექტის შეკეთებისას (აღდგენისას) აღმოჩნდება სადაზღვევო შემთხვევით გამოწვეული ფარული დეფექტები, ასეთი დაზიანებისათვის სადაზღვევო ანაზღაურების გადასახდელად დამზღვევმა შეკეთების პროცესში უნდა მიმართოს მზღვეველს შესაბამისი განცხადებით. მზღვეველი მოვალეა შეადგინოს ახალი გაანგარიშება, დაადგინოს ზარალის ზომა და განახორციელოს სადაზღვევო ანაზღაურების გადახდა აღმოჩენილი დეფექტებისათვის ამ წესებითა და პოლისით დადგენილი წესითა და ვადებში.

7.11. ჯამური სადაზღვევო ანაზღაურება ყველა სადაზღვევო შემთხვევაზე გადაიხდება მოცემული ქონებისათვის პოლისით დადგენილი სადაზღვევო თანხის ფარგლებში.

7.12. თუ სადაზღვევო თანხა ნაკლებია ქონების რეალურ (საბაზრო) ღირებულებაზე (მაგალითად: იპოთეკით დატვირთული ქონების დაზღვევისას), სადაზღვევო შემთხვევის დადგომისას ზარალის თანხა ანაზღაურდება იმ პროპორციით, რა პროპორციასაც შეადგენს სადაზღვევო თანხა ქონების რეალურ (საბაზრო) ღირებულებასთან.

7.13. სადაზღვევო ანაზღაურება გადაიხდება მზღვეველის მიერ უნაღდო ანგარიშსწორებით.

7.14. სადაზღვევო ანაზღაურების გადახდის შემდეგ სადაზღვევო თანხა მცირდება სადაზღვევო შემთხვევის დადგომის დღიდან გადახდილი ანაზღაურების სიდიდით.

7.15. დაზღვეული ქონების აღდგენის ან ჩანაცვლების შემთხვევაში დამზღვევს უფლება აქვს მზღვეველის თანხმობის შემთხვევაში დამატებითი სადაზღვევო პრემიის გადახდით აღადგინოს საწყისი სადაზღვევო თანხა.

7.16. სადაზღვევო პოლისით შეიძლება გათვალისწინებული იყოს შემთხვევები, რომლის დროსაც დამზღვევს უფლება აქვს უარი თქვას დაზღვეული ქონების მიმართ თავის უფლებებზე მზღვეველის სასარგებლოდ, მისგან სრული სადაზღვევო თანხის მიღების მიზნით (გააკეთოს განცხადება აბანდონის თაობაზე).

7.17. სადაზღვევო შემთხვევით გამოწვეული ზარალის ლიკვიდაციისა და ქონების აღდგენის (შეკეთების) შემდეგ დამზღვევი მოვალეა წარუდგინოს ქონება მზღვეველს. წინააღმდეგ შემთხვევაში მზღვეველს მისი განმეორებით დაზიანებისათვის პასუხისმგებლობა არ ეკისრება.

7.8. თუ დამზღვევს სადაზღვევო ანაზღაურების მიღების შემდეგ დაუბრუნდა გატაცებული ქონება ან აუნაზღაურდა ზარალი ამ ზარალისათვის პასუხისმგებელი პირის მიერ, იგი მოვალეა დაუბრუნოს მზღვეველს მიღებული სადაზღვევო ანაზღაურება, ქონების აღდგენაზე (შეკეთებაზე) გაწეული ხარჯების გამოკლებით.

7.9. იმ შემთხვევაში, როდესაც სადაზღვევო შემთხვევის დადგომისას ამ პოლისით დაზღვეული ქონების მიმართ მოქმედებდა სხვა ხელშეკრულებებიც, სადაზღვევო ანაზღაურება გადაიხდება იმ სადაზღვევო თანხების პროპორციულად, რომლებითაც დააზღვია ეს ქონება თითოეულმა მზღვეველმა.

7.10. თუ სადაზღვევო შემთხვევის დადგომასთან დაკავშირებულ ფაქტებზე აღძრულია სისხლის სამართლის საქმე, ან დაწყებულია სასამართლო პროცესი, მზღვეველის მიერ გადახდის თაობაზე გადაწყვეტილების მიღება არ შეიძლება გადავადებულ იქნას გამოძიების ან სასამართლო გარჩევის დამთავრებამდე.

7.11. სადაზღვევო ანაზღაურების ერთ თვეზე მეტი ვადით დაყოვნების შემთხვევაში დამზღვევს უფლება აქვს მოითხოვოს ავანსის გადახდა მისთვის უპირობოდ სარგები თანხის 50%-ის ოდენობით.

7.12. თუ მზღვეველი იღებს გადაწყვეტილებას უარი თქვას სადაზღვევო ანაზღაურების გაცემაზე, მან ამის შესახებ წერილობით უნდა შეატყობინოს დამზღვევს და მიუთითოს უარის დასაბუთებული მიზეზი.

8. მხარეთა უფლებები

8.1. მზღვეველი უფლებამოსილია:

8.1.1. დაზღვევის ხელშეკრულების დადებადღე მოახდინოს დასაზღვევი ქონების დათვალიერება რისკის შეფასების მიზნით;

8.1.2. მონაწილეობა მიიღოს სადაზღვევო შემთხვევის მიზეზების დადგენასა და ზარალის სიდიდის შეფასებაში, მოსთხოვოს ხელშეწყობა დამზღვევს ან დაზღვეულს;

8.1.3. თუ დამზღვევის, დაზღვეულისა ან მოსარგებლისათვის ზიანის ანაზღაურების შემთხვევაში გაირკვა, რომ სადაზღვევო შემთხვევა გამოწვეული იყო მესამე პირის ქმედებით, გამოიყენოს რეგრესის წესი და მოთხოვოს ანაზღაურება გაცემული თანხის ფარგლებში;

8.1.4. თუ დამზღვევის (დაზღვეულის) ბრალით მზღვეველის მიერ რეგრესის წესის გამოყენება შეუძლებელი გახდა, მოითხოვოს გაცემული სადაზღვევო ანაზღაურების უკან დაბრუნება;

8.2. დამზღვევი უფლებამოსილია:

8.2.1. სადაზღვევო სერთიფიკატის (პოლისის) დაკარგვის ან განადგურების შემთხვევაში მოთხოვოს მზღვეველს სერთიფიკატის განსაკუთრებული წარმოების წესით ძალადაკარგულად გამოცხადება ან მისი ასლის გაცემა. ასლის გაცემის ხარჯებს გაიღებს დამზღვევი.

8.2.2. მოსარგებლის თანხმობის შემთხვევაში საკუთარი სახელით ისარგებლოს იმ უფლებებით, რომლებიც დაზღვევის პირობების თანახმად კუთვნიან მოსარგებელს, მიიღოს სადაზღვევო ანაზღაურება ან გადასცეს ეს უფლება მოსარგებელს.

8.3. დაზღვეული (მოსარგებელი) უფლებამოსილია:

8.3.1. მიიღოს სადაზღვევო ანაზღაურება ხელშეკრულების სხვა მონაწილეთა თანხმობის გარეშე;

8.3.2. უარი თქვას მისი კუთვნილი სადაზღვევო ანაზღაურების მიღებაზე. ასეთ შემთხვევაში სადაზღვევო ანაზღაურების მიღების უფლება გადადის დამზღვევეზე;

8.3.3. მიიღოს ინფორმაცია სადაზღვევო პოლისის პირობების თაობაზე.

9. მხარეთა პასუხისმგებლობა

9.1. სადაზღვევო შესატანის ან მისი ნაწილის (განვადების შემთხვევაში) ხელსეკრულებით განსაზღვრულ ვადებში გადახდამდე მზღვეველი თავისუფალია თავისი მოვალეობისაგან;

9.2. დამზღვევი (დაზღვეული) პასუხს აგებს მზღვეველისა და კანონის წინაშე მის მიერ მოწოდებული ინფორმაციის სიზუსტესა და ნამდვილობაზე;

9.3. მზღვეველის პასუხისმგებლობა დამზღვევისა და მოსარგებლის მიმართ შეზღუდულია სადაზღვევო თანხის ოდენობით, მიუხედავად სადაზღვევო პერიოდში მომხდარი სადაზღვევო შემთხვევების სიმრავლისა და მათი სიდიდისა.

10. სადაზღვევო პოლისის ძალაში შესვლა და ვადის გაგრძელება (პროლონგაცია)

- 10.1. სადაზღვევო პოლისი ძალაში შედის ხელშეკრულების ძალაში შესვლის მომენტიდან;
- 10.2. სადაზღვევო პოლისი გაიცემა დამზღვევის მიერ შევსებული განაცხადის საფუძველზე, რომელიც მის განუყოფელ ნაწილს შეადგენს;
- 10.3. განაცხადთან ერთად დამზღვევმა უნდა წარმოადგინოს: ფიზიკური პირის შემთხვევაში – ამონაწერი საჯარო რეესტრიდან, ხოლო იურიდიული პირის შემთხვევაში – სადამფუძნებლო დოკუმენტაცია (დადგენილება, წესდება), ამონაწერი სამეწარმეო და საჯარო რეესტრებიდან;
- 10.4. პოლისის გაცემამდე მზღვეველი ახორციელებს დაზღვევის სავარაუდო ობიექტის დათვალიერებას, რის საფუძველზეც იგი იღებს გადაწყვეტილებას რისკის აქცეპტირების თაობაზე. განსაზღვრავს სადაზღვევო თანხას, ადგენს სადაზღვევო შესატანს და დაზღვევის სხვა დამატებით პირობებს (ფრანშიზას, ცალკეული რისკების მიმართ პასუხისმგებლობის ლიმიტებს და სხვ.);
- 10.5. ქონების დაზღვევა იწყება პოლისის გაცემის დღის 24 საათზე და მთავრდება სერთიფიკატში მითითებული დაზღვევის დასრულების თარიღის 24 საათზე;

11. სადაზღვევო პოლისის ბათილობა

- 11.1. სადაზღვევო პოლისი ბათილია;
- 11.2. თუ დამზღვევმა გააფორმა ორმაგი დაზღვევა მართლსაწინააღმდეგო შემოსავლების მიღების მიზნით, პოლისის ბათილობამდე მზღვეველისათვის გადახდილი შენატანები მას რჩება, თუ მისთვის პოლისის გაცემის მომენტისათვის ცნობილი არ იყო ბათილობის შესახებ;
- 11.3. თუ დამზღვევი მართლსაწინააღმდეგო შემოსავლების მიღების განზრახვით გაზრდის სადაზღვევო თანხას, პოლისის ბათილობამდე მზღვეველისათვის გადახდილი შენატანები მას რჩება, თუ მისთვის პოლისის გაცემის მომენტისათვის ცნობილი არ იყო მისი ბათილობის შესახებ.

12. სადაზღვევო პოლისის გაუქმება

- 12.1. დაზღვევა წდება შემდეგ შემთხვევებში:
- 12.1.1. პოლისით გათვალისწინებული ვადის ბოლო დღის 24 საათზე;
- 12.1.2. მზღვეველის მიერ სადაზღვევო შემთხვევის დადგომისას სადაზღვევო თანხის სრულად ანაზღაურების შემდეგ; თუ შეწყდა სადაზღვევო ინტერესი;
- 12.1.3. თუ დაზღვეულმა ობიექტმა შეწყვიტა თავისი არსებობა სადაზღვევო შემთხვევისაგან განსხვავებული მიზეზით.
- 12.2. დაზღვევა ცალმხრივად შეწყდება შემდეგ შემთხვევებში:
- 12.2.1. დამზღვევის ან დაზღვეულის მიერ ნებისმიერი სახის ინფორმაციის გაყალბების, არასწორი ინფორმაციის მოწოდების ან ნებისმიერი ინფორმაციის დაფარვის შემთხვევაში, მზღვეველი უფლებამოსილი იქნება გააუქმოს სადაზღვევო პოლისი.
- 12.2.2. თუ დამზღვევმა თავის დროზე არ შეიტანა სადაზღვევო შესატანი, მზღვეველი უფლებამოსილია ერთი თვით ადრე გააფრთხილოს დამზღვევი პოლისის გაუქმების თაობაზე და ამ ვადის უშედეგოდ გასვლის შემდეგ გააუქმოს იგი. დამზღვევის სურვილით და მზღვეველთან შეთანხმებით, დარჩენილი თანხის გადახდის შემთხვევაში, შესაძლებელია პოლისის აღდგენა დაზღვევის ვადის გაგრძელების გარეშე. პოლისის მოქმედების შეწყვეტიდან მის აღდგენამდე გასულ პერიოდში სადაზღვევო შემთხვევის დადგომისას მზღვეველს პასუხისმგებლობა არ ეკისრება.
- 12.2.3. თუ სადაზღვევო შესატანის განვადებით შეტანის დროს დამზღვევმა დაარღვია შესატანის დარჩენილი ნაწილის შეტანის ვადები, მზღვეველი უფლებამოსილია უკვე გადახდილი თანხების დაბრუნების გარეშე გააუქმოს სადაზღვევო პოლისი.
- 12.2.4. ქონების გასხვისებისას, მზღვეველს უფლება აქვს პოლისის გაუქმების ერთთვიანი ვადის დაცვით შეწყვიტოს სადაზღვევო ურთიერთობა შემქმნთან, პოლისის გაუქმების უფლება ძალას კარგავს, თუ მზღვეველმა არ ისარგებლა ამით ერთი თვის მანძილზე იმ მომენტიდან, როცა მან შეიტყო ქონების გასხვისების შესახებ.
- 12.2.5. თუ დამზღვევმა ან დაზღვეულმა განზრახ გამოიწვია საფრთხის გაზრდა, მზღვეველს შეუძლია გააუქმოს პოლისი ვადის დაცვის გარეშე.
- 12.2.6. თუ დამზღვევმა ან დაზღვეულმა არ შეატყობინა მზღვეველს სადაზღვევო რისკის გაზრდის შესახებ, მზღვეველს უფლება აქვს გააუქმოს პოლისი გაუქმების ერთთვიანი ვადის დაცვით ან მოითხოვოს სადაზღვევო შესატანის შესაბამისი გაზრდა.
- 12.2.7. თუ დამზღვევს ან დაზღვეულს საფრთხის გარემოების შესახებ წერილობით კითხვებზე უნდა გაეცა პასუხი, მაშინ მზღვეველს უფლება აქვს შეტყობინების ვალდებულების დარღვევიდან ერთი თვის განმავლობაში გააუქმოს პოლისი იმ გარემოებათა შეუტყობინებლობის გამო, რომელთა თაობაზეც თუმცა კითხვა არ დასმულა, მაგრამ დამზღვევი განზრახ დუმდა.
- 12.3. პოლისი არ გაუქმდება თუ მზღვეველმა იცოდა დაფარულ გარემოებათა შესახებ, ან დამზღვევს ან დაზღვეულის ან მიუძღვის ბრალი მათ შეუტყობინებლობაში.
- 12.4. თუ მზღვეველი პოლისის გაუქმებას სადაზღვევო შემთხვევის დადგომის შემდეგ, მაშინ იგი არ თავისუფლდება თავისი მოვალეობის შესრულებისაგან, თუკი იმ გარემოებას, რომლის შესახებაც დარღვეულ იქნა შეტყობინების მოვალეობა, გაეგონა არ მოუხდენია სადაზღვევო შემთხვევის დადგომაზე და მზღვეველის ვალდებულების შესრულებაზე.
- 12.5. სადაზღვევო პოლისის გაუქმების ინიციატორი მხარე ვალდებულია აცნობოს, ერთთვიანი ვადის დაცვით, დაინტერესებულ მხარეებს მისი გაუქმების შესახებ.